


明

書

三





書

明

(三)

纂 麟 維 傳

明書卷十七

本紀十四

光宗貞皇帝本紀

帝諱常洛。神宗顯皇帝第一子也。母才人王氏。後封恭妃。是爲孝靖皇后。生於萬曆十年八月十一日。當時神宗春秋鼎盛。宮闈肅穆。以元嗣生大喜。詔赦天下。已上加兩宮聖母徽號。覃恩中外者再。聖母乃出宮儲二十萬金犒京邊軍。上性孝敬寬仁。舉動中禮。每問安起居。多得神宗意。十四年正月。皇第三子生。出皇貴妃鄭氏。鄭氏最愛幸。時儲位未定。臣下不無私憂。會輔臣申時行請冊立。神宗諭以元子嬰弱。宜少待。十五年正月。申時行等再以建儲封王爲請。不報。科臣部臣復有言之者。俱被譴。十八年正月。神宗召見輔臣於毓德宮。論奏良久。輔臣以冊立豫教請。神宗令宣長哥來與先生一見。帝至時。皇三子亦至。輔臣仰視睿容皆稱賀。神宗曰。此祖宗德澤聖母恩庇所致。輔臣再進諦視。神宗引帝向明正立。輔臣因請早定大計。神宗頷之。十月。內兩京九卿科道官合詞懇請。而輔臣請之益力。神宗詔切責三輔臣。皆引疾。獨王家屏再疏言。欲釋衆疑。莫若大信之蚤全。欲解擾亂。莫若聖志之蚤定。神宗諭以明年春夏。又明年。有三皇子並封之旨。首輔王錫爵以召至。密揭言建儲事。皇上前業有旨矣。乞乘此時從中降諭。決於

今春舉行使盛美歸之獨斷。神宗曰：祖宗立嫡不可易也。中宮尙年少，朕欲三皇子併封王，而虛儲位以待嫡。其爲擬諭，錫爵隨言待嫡之說。臣未前聞，安敢奉詔。昔漢宋母后有養育庶子故事，無已，請令元子母中宮而正儲位。神宗不許。至十一月，乃諭禮部元子先行豫教，具元子出閣禮儀。奏已諭停，尋又諭：二十一年二月，帝出閣講讀，儒臣進說經旨，帝潛心聽受，多見旁通。一日講官焦竑仰叩以維皇上帝降衷於下民，若有恆性大義，帝應聲曰：只天命之謂性是已。講官董其昌請問擇可勞而勞之，帝答曰：此所謂不輕用民力也。侍臣驚喜嘆服。二十六年二月，閣臣共以冠婚請奉諭皇長子元氣單弱，少俟時月，後府部科道諸臣各詣文華門上疏，必得命乃退。神宗遣內官報聞。二十九年九月十八日，諭內閣傳示禮部：上冊立冠婚儀註。十月十五日，冊立爲皇太子。四十一年六月，武弁王曰乾上書告姦人孔學等受人指使，將不利於東宮，語涉翊坤宮。通政司具疏上，神宗大震怒，輔臣葉向高密揭言：此姦徒所爲，當靜處之，勿爲所動，動則紛擾，惟速定福王之國之期，以釋天下疑。神宗納之。中外始安。四十三年五月，有男子張差持梃突入東宮，璫輩共執之以聞，詔下法司。或主風癩者，或涉翊坤宮者，科道臣紛紛言：神宗乃因率帝及長孫諸王孫，召見羣臣於宮門外，諭曰：皇太子國家根本，豈有不愛不重。況諸皇孫振振，朕甚喜。外廷何過疑有他也。命決張差并中官等，帝請無株連，以傷天和。且代諭羣臣勿聽流言，爲不忠之臣。使本宮爲不孝之子。神宗大悅。四十八年七月丁酉，神宗崩，帝告於奉先殿，令禮部會翰林院議大喪禮儀，報訃於藩王，申飭閣部文武諸臣靖共率屬，并敕護衛官兵戒嚴，撤天下礦稅，內使發帑金一百萬犒九邊。

邊遣詔進封皇貴妃鄭氏爲皇后。禮部侍郎孫如游疏爭之。戊戌。頒遺詔。改戎政兵部尚書黃克纘爲刑部尚書。仍太子太保。以戶部倉場尚書張問遠爲都察院左都御史。陞三邊總督張鶴鳴爲兵部左侍郎。湖廣巡撫徐兆魁爲左副都御史。太僕寺少卿蘇茂相爲僉都御史。巡撫浙江。太常寺少卿胡來朝爲僉都御史。巡撫大同。徐可求巡撫四川。俱都察院左僉都御史。起吏科都給事中李瑾爲太常寺少卿。戶科給事中黃運泰爲光祿寺少卿。陞吏部文選司郎中陸卿榮爲太常寺少卿。河南道御史王象恆。山西道御史馮嘉會。俱太僕寺少卿。起吏部文選司王三善爲太常寺少卿。己亥。再發帑金一百萬兩充遼餉。仍給腳價五千兩。不許騷動驛遞。申罪臣撫辯之禁。起山西副使呂純如爲光祿寺少卿。陞戶科都給事中官應震爲太常寺少卿。庚子。文武羣臣軍民耆舊等上箋勸進。不許。辛丑。再箋勸進。仍不允。壬寅。以勸進箋三上。諭文武羣臣軍民耆舊人等曰。皇考大行皇帝上賓。予哀慟悲號。五內摧裂。爾等以宗社基業至重。皇考遺命之嚴。上箋勸進。至於再三。義正辭懇。不得已勉從所請。諭禮部欽天監擇日具儀。祇告天地宗廟社稷。癸卯。王卜石兔以貢市至邊。甲辰。諭邊臣共據謀猷。早奏蕩平。各賜銀幣有差。乙巳。召還駙馬王昺復職。募南京浙江兵至京師。八月朔丙午。卽皇帝位。詔以明年爲泰昌元年。大赦天下。丁未。敵犯石塘路。諭萬厯舊錢使民通行。勿壅滯。以督學御史周師旦言罷開納生員事例。戊申。諭起建皇極門殿。撤回催權使張樺等還京。陞河道總督工部右侍郎王佐爲工部尚書。南京大理寺卿王永光爲工部左侍郎。江西巡撫包見捷爲吏部左侍郎。鄭陽巡撫陳禹謨爲刑部右侍郎。起兵部侍郎汪應蛟爲南京戶部

尙書湖廣巡撫董漢儒爲工部右侍郎左通政林學曾爲太常寺卿尙寶司卿熊尙文爲太常寺少卿吏科右給事中姚宗文爲太常寺少卿福建道御史陳于庭爲太僕寺少卿國子監司業李騰芳爲詹事府少詹事兼翰林院侍讀學士掌南京翰林院印己酉欽天監奏改造書厯日年號報可命吏部右侍郎兼翰林院侍讀學士史繼偕南京禮部右侍郎沈灌俱陞禮部尙書東閣大學士入閣參預機務起吏部右侍郎朱國祚爲南京禮部尙書命截漕運以濟邊餉庚戌頒賜各王府銀幣以福王潞王懿親有加諭吏部用建言廢棄并礦稅詿誤諸臣其事關國本者分別召用卹錄起陞南京刑部郎中鄒元標爲大理寺卿浙江道御史李宗延爲光祿寺少卿河南道御史馮從吾爲尙寶司卿湖廣右參議朱一桂爲太僕寺少卿河南道御史劉光復爲光祿寺寺丞陞督餉戶部右侍郎李長庚爲左侍郎陞寧夏巡撫右僉都御史臧爾勸爲戶部右侍郎起補太僕寺少卿周曰庠爲太僕寺少卿大發兵援遼定三六九日爲常朝之期福建海寇平諭聖母加上尊號祔皇考陵起陞都給事中鍾羽正爲太僕寺少卿添註吏部郎中饒伸爲光祿寺少卿壬子號神宗陵曰定陵諭考端皇后梓宮發引召起禮部右侍郎兼翰林院學士顧秉謙與侍郎韓爌同管纂修玉牒癸丑敕分督四鎮防秋甲寅起王德完孟養浩楊東明俱太常寺少卿胡克儉何喬遠俱光祿寺少卿史弼爲太僕寺少卿以許宏綱爲兵部尙書協理京營戎政以漕運戶部左侍郎王紀爲戶部尙書總督倉場陞陝西巡撫李起元爲兵部右侍郎總督三邊軍務兼理糧餉陞山東巡撫王在晉爲工部右侍郎總督河道軍務以太常寺少卿熊尙文爲右僉都御史巡撫湖廣以永平兵備

副使袁應泰爲右僉都御史。巡撫遼東。起左庶子公鼐爲國子監祭酒。起雲南道御史李本固爲太僕寺少卿。以湖廣副使饒位爲尙寶司卿。起右參政李維禎爲南京太常寺卿。起吏科給事中程紹爲太常寺少卿。釋罪宗充鈇於高牆。乙卯。帝不豫。丁巳。諭禮部上大行皇帝尊號。戊午。定御門引奏例。己未。諭九月初九日册立東宮。以廣西巡撫陳邦瞻爲兵部右侍郎。兼右僉都御史。總督兩廣。以巡撫李養正爲戶部右侍郎。兼右僉都御史。總督漕運。以山西左布政趙彥爲右副都御史。巡撫山東。庚申。黃河清。禮部司務孫學詩奏河清賦。詔付史館。陞太常寺卿張輔之爲南京大理寺卿。起洪文衡爲大理寺右少卿。起吏部文選司郎中白所知爲太常寺少卿。兵部主事王惟儉爲光祿寺卿。辛酉。上大行皇帝尊諡。允給事中王惟曾言。召募酌海運。起姜應麟爲太僕寺少卿。添註壬戌。再諭進封皇貴妃鄭氏爲皇后。閣臣方從哲等疏爭之。得寢。加恩在京文武羣臣軍民耆舊人等。補六月大選。癸亥。賜朝鮮國王及其妃錦幣。甲子。制諭禮部。皇妣孝端皇后及聖母溫肅端靖純懿皇貴妃。加上尊號。命禮部左侍郎兼翰林院侍讀學士何宗彥。劉一燝。禮部左侍郎兼翰林院學士韓爌爲禮部尙書。兼東閣大學士。俱入閣預機務。定瑞惠桂三王封國。惠王漢中。瑞王荊州。桂王衡州。左軍都督僉事鄭養性奏請收進封皇貴妃成命。久之乃允。乙丑。起大學士葉向高於家。以南禮部尙書朱國祚爲大學士。同召入閣預機務。遣刑部大理寺官十五員於天下恤刑。以禮部左侍郎孫如游爲禮部尙書。兼翰林院學士。刑部侍郎何熊祥爲南京都察院右都御史。南京操江右副都御史陳道亨爲刑部右侍郎。湖廣左布政陳德元爲右副都御史。巡撫廣西。光祿寺卿

張我續爲右副都御史。巡撫河南。起吏部文選司郎中。張鳳翔爲南京太常寺少卿。湖廣襄陽府知府。馮若愚爲南京光祿寺少卿。改南京戶部尙書。衛一鳳爲南京兵部尙書。尙寶司司丞姚士慎爲光祿寺少卿。詔旌表節孝。丙寅。蠲永順宣大山西等處逋稅。并通灣房租。丁卯。制諭恭靜端懿溫惠元妃郭氏。及昭肅恭和章懿才人王氏。加上尊號。戊辰。召見勳臣內閣部院大臣及吏科河南道於乾清宮。煖閣。諸臣就御榻前問安論藥。帝命皇長子出見。諸臣奏東宮天姿英偉。社稷之福。帝悅。羣臣退。命設金復道海運督餉官。起雲南道御史鄒德泳爲尙寶司少卿。耿庭柏爲南京太常寺少卿。添註己巳。詔法司速審釋獄囚。諭修郊祀禮儀廢墜。敵犯甘肅。官兵拒卻之。庚午。上孝端皇后尊諡。及孝靖皇太后尊諡。諭封選侍李氏爲皇貴妃。并選侍傅氏封號。辛未。帝疾彌留。壬申。允御史蕭毅中請開荒地以佐屯政。癸酉。以登極翼贊加恩。方從哲等有差。詔以東宮講官夙著勤勞。詔見任在籍者優擢起用。已故者從優卹錄。吏部聽選監生王應遴請修政大統歷法。從之。颶風壞海運。甲戌。再召輔臣方從哲等十三員於乾清宮。諸臣問安畢。帝仍諭冊立皇貴妃。從哲等對以冊儲原卜期宜移近。蚤竣吉典。以慰聖懷。帝因顧皇長子諭曰。卿等輔佐爲堯舜。又語及壽宮。輔臣以定陵對。帝乃自指曰。朕陵也。諸臣言聖壽無疆。何遽及此。帝仍諭要緊者再賜諸臣銀幣燒割。九月丙子。帝崩在位一月。壽三十九。乃追存八月朔以後爲泰昌元年。是年十月己未。上尊諡曰崇天契道英睿恭純憲文景武淵仁懿孝貞皇帝。廟號光宗。天啓元年八月壬寅。葬慶陵。史官贊曰。曷稱久道化成。傳謂必世後仁。若光宗御極僅三旬。而升遐之日。深山窮谷。莫不悲號。何其化

孚若是之神也。以帝青宮之養德已久。天下歸心。而大寶初登。仁政沛發。捐朽蠹。撤稅使。臺諫振鷺。黃髮
儀鴻。且虛懷三接。神宗靜攝而後。覩茲盛舉。其孰不仰末承流也。其尤難者。處危疑之間。靜氣平心。以消
反側。卒使庭流融洩。世種祥和。所全不已多乎。而猶惓惓遺命封皇貴妃。必鄭戚哀請而後止。抑何篤
厚也。其淪人肌髓。又不在區區注措矣。使帝出震未及。而幹蠱莫施焉。則三旬之聖天子。將與璇題之煙
俱冷矣。悲夫。

明書卷十八

本紀十五

熹宗愍皇帝本紀

帝諱由校。光宗第一子也。生於萬曆三十三年乙巳十一月十四日。母選侍王氏。是爲孝和皇太后。神宗以元孫生。詔告天下。書諭宗藩一切恩賚優厚。悉赦諸臣之礦稅誣誤被繫者。一時海內歡聲雷動。四十八年庚申。神宗遺詔。皇長孫宜及時冊立進學。未及行。光宗立。八月。光宗大漸。召諸大臣受顧命。惓惓以輔帝爲堯舜。帝幼岐嶷。有小慧。每念光宗大業未究。雅志繼述。踐祚之初。任老成。搜遺逸。頗稱盛理。泰昌元年秋九月乙亥朔。光宗崩。是日羣臣聞變。入哭臨畢。請見帝於寢門。奉至文華殿行禮。已而還慈慶宮。諭大臣同欽天監司禮內官相光宗山陵。丙子。頒遺詔。丁丑。大臣請選侍李氏移宮。帝諭擇吉行。戊寅。御史王安舜奏劾李可灼進光宗藥誤。帝令奪可灼俸。己卯。給事中楊漣言。選侍李氏宜移宮。即日移仁壽殿。庚辰。卽皇帝位。詔以明年爲天啓元年。大赦天下。壬午。諭尊光宗元妃郭氏才人王氏爲皇后。並議諡。甲申。上神宗尊諡。命戶部設專理新餉官。給關防。丁亥。上孝端皇后孝靖皇后尊諡。允禮臣請。開經筵。擇講官。允給互市沙什台吉冠帶。己丑。諭上光宗尊諡。庚寅。詔以萬曆四十八年八月以後爲泰昌元年。並

書命寶源局仍鑄泰昌通寶錢。命設督運餉芻官。給關防。逮繫遼東總兵李如柏自殺。虎酋率衆挾賞。詔加銀四萬兩。癸巳。蘭州黃河清。以原任陝西按察使邢雲路品測修政歷法。江西大水。甲午。廢太監魏進忠兄釗。錦衣正千戶。封乳保婦客氏爲奉聖夫人。並官其男侯興國爲錦衣正千戶。丁酉。發帑銀五十萬。修慶陵。戊戌。收用淨身男子三千人。遼東總兵賀世賢戰清兵於灰山。庚子。諭戶部。東事未平。加派不能。遽免。其災傷地方加意優恤。十月丙午。葬神宗孝端皇后於定陵。孝靖皇后遷祔。賑江北水災。官客氏弟光先爲錦衣正千戶。壬子。遵遺詔加恩東宮講官。丙辰。祧英宗神主。丁巳。賞九邊軍士。己未。祔神宗及孝端皇后於太廟。上光宗諡。允禮臣請選大婚。辛酉。上御經筵。甲子。蠲雲南貢金二千兩。命以後勿徵之。民乙丑。考選科道官程明樞等五十人。丁卯。噉鸞宮災。戊辰。命大臣公舉風力科臣如遼東勘功罪。癸酉。發帑金一百八十萬勞邊。十一月甲戌朔。頒天啓元年大統歷。丙子。上孝元貞皇后孝和皇太后尊諡。丁丑。撤回天津採取銀魚內官。專敕內官選后及妃嬪。甲申。允給事中張其庭奏。免畿輔加派一年。乙酉。上諭大臣不得輕於求去。言官不得任意雌黃。務協恭盡職。以全國體。命撫按官嚴覈驛遞。以蘇民困。戊子。發京營選鋒三千戍石塘路。癸卯。遣官賜尙方劍於遼東。經略袁應泰。十二月。命輔臣撰敕獎楊漣。奏移宮爲公直。輔臣奏寢之。癸丑。上諭輔臣曰。邊軍勤勞。良可軫念。命戶兵部覈實加賞。庚申。以少詹事徐光啓兼監察御史。管理練兵。丙寅。允巡撫陝西都御史李起元奏。錄宋儒張載十四世孫文運爲奉祀。給冠帶。己巳。上諭羣臣勿得議論淆亂。自今凡大臣進退。取自上裁。小臣去留。一聽部議。忿爭者下廷議治罪。命

立武學於直省郡縣。收勇力技藝之人。其中服優免與儒學生員同。江西廣信大水。賑之。天啓元年辛酉。春正月癸酉。命擇日開講。己卯。發帑金五十萬充遼餉。敕九卿科道官各條陳足餉清餉。畫一之務。壬午。詔選淨身男子三千人入宮。庚寅。大清兵破撫順。二十餘屯。敕嚴備之。乙未。賜瑞王惠王桂王養贍莊田。丁酉。加冠謁廟。戊戌。復增收淨身男子二百人。辛丑。定知經筵及講讀侍班官。二月癸卯朔。清兵至香爐山。禦之。殺傷相當。允戶科給事中趙時用屯田策。甲辰。言官請復當朝口奏。及召對之典。上從之。丁未。罷漕運總兵。命禮部選淑女以實宮壺。敕工部修葺國子監廟舍。仍命吏禮二部考稽生儒。戊午。清兵攻虎皮驛。尋至大人屯。乙丑。安仁場火。辛未。命嚴禁左道。閏二月癸酉。免肅藩貢馬。己卯。以京師久無雪。春旱。祈禱。命南京預建黃冊庫房。慎重圖籍。辛巳。復遼東科舉。甲午。命科道官各舉所知。丙申。赦建文時兵部尙書齊泰戚屬後裔之在戍所者。戊戌。昭和殿災。庚子。海州廢弁劉光先反。據岫巖。總兵劉光榮討擒之。三月庚戌。援遼兵士道亡。命撫招之。癸丑。清兵至頭目屯。進圍瀋陽。乙卯。清兵破瀋陽。總兵官尤世功賀世賢死之。川浙總兵官陳策等援瀋陽。率兵戰於渾河。死之。上命褒贈有差。庚戌。上諭文武官。凡職任封疆者。其策勵任事。不得諉卸。壬戌。遣官分祭嶽瀆。歷代帝王陵。闕里。及徐王等墳。太和山。神。清兵破遼陽。經略都御史袁應泰。御史張銓。兵備副使何廷魁。僉事崔儒秀等死之。西酋杪花陷長安堡。丙寅。命百官舉謀勇出衆之人。丁卯。命纂修神宗實錄。海州等四衛皆陷。庚午。發帑金一百萬充遼餉。夏四月壬申朔。日有食之。癸酉。瀋都城濠。安南遣使貢方物。初。禁發鈔軍情疏報。丁丑。選得祥符生員張

國紀長女爲皇后。行大婚禮。命防海。戊寅。命演火器於都門外。四川妖僧政神作亂。擒之。甲申。命九卿科道公舉邊材。己丑。倭犯福建彭湖。官兵擒斬。敗之於虎井嶼。遁去。丁酉。允廷臣言練禁旅。戊戌。大婚禮成。己亥。贈卹遼陽死事文武諸臣官廕有差。并朝鮮陣亡官兵。五月。烏思藏闡教王貢方物。丙午。敕延鎮監市勞。賜賚酋卜失兔阿不害等有差。丁未。黔苗平。宣捷。集廷臣議兵餉緩急。癸丑。嚴禁各官考語用駢麗語。命登州沿海接濟遼左避難官民三萬有奇。辛酉。固原延綏寧夏援遼兵皆潰。上命招撫之。發內帑銀一百萬充遼餉。丁卯。命開光宗實錄史館。己巳。命天下朝覲官順帶兵器交納。六月。辛未。敕撫按官嚴禁有司科斂。分遣御史各處募兵。甲申。敕貴州征苗功。陞廕賞賚有差。丁亥。加宗室及聖裔中式額。秋七月。庚子。優卹援遼死難四川石砭宣撫司秦拱明。給重慶衛地三十頃。辛丑。上神宗昭妃徽號曰宣懿。壬寅。添設遼東各監軍道。癸卯。敕所在官司嚴捕逃兵。陞客氏男爲錦衣指揮僉事。戊申。禁貢船夾帶私貨。卹陣亡兵千七百餘家。壬子。禁違例越奏。免織造新頒袍式三分之一。八月。庚午。贈土木死節諸臣。乙酉。土魯番貢方物。戊子。詔停杭州織造。辛卯。奉祧憲宗及孝貞皇后。升光宗於太廟。癸巳。詔免行刑。壬寅。葬光宗及孝和皇太后於慶陵。丁未。立武選法。甲寅。四川永寧宣撫司宣撫奢崇明叛。殺巡撫徐可求等。遂據重慶。僞號大梁。發兵討之。冬十月。癸巳。增宗貢名數。乙未。江都妖民武悟空伏誅。十一月。乙巳。套酋卜失免等補萬厯四十七年貢馬。賞賚之。丙午。冬至。大祀天於圓丘。丁未。宴安南國陪臣於禮部。十二月。庚午。敕遼瀋死事諸臣。贈廕有差。及定逃竄官罪狀。癸未。安南都統使黎維新遣官補貢。丙戌。敕定陵工功。丙

申台州兵王元民等作亂擒之旌表天下孝義節烈

二年壬戌春正月朝覲大計官吏詔以卓異中咨訪邊材甲辰復諸司註銷法詔守令久任法丁巳清兵破西平堡總兵劉渠祁秉忠等死之經略熊廷弼等逃兵備高邦佐自殺己未禁修靡壬戌發兵部銀十萬賑山東流移遼民甲子詔選留朝覲官強幹有智略者乙丑京師戒嚴停殿工申保甲法是日成都圍解二月己巳諭科道官有結黨瀆奏者從重典癸酉水西土同知安邦彥叛圍貴州卹河西殉難諸臣戊寅蠲天下帶徵錢糧二年並免直隸加派辛巳詔廣首科貢額貴州報捷恢復綏陽眞義等處辛卯詔選用宿將議款敵丙申議建銃臺於三協三月舉內操御文華殿講讀以爲常辛丑鑄天啓通寶錢詔勳臣出募兵甲辰厲都門盤結法甲寅廷試貢士四百賜文震孟等進士及第出身有差丁巳安會圍黔省敕湖廣雲南廣西調兵合勦發帑金三十萬充餉戊午京師大購捕姦細民多枉累大旱祈雨夏四月天津行屯田法庚午升祔孝端皇后神主於太廟甲戌敕臨洮斬獲功賞賚有差丁丑貴州危急詔速援之尤左都御史鄒元標請於三品京堂添註以疏淹滯癸未罷寶和皇店稅五月四川梓潼妖賊白仙臺等就擒乙亥卹先臣方孝孺遺允丙午山東東平蓮妖徐鴻儒反陷鄆城等處命將討之壬子賞效力守禦會哈喇等米布有差己未括直省存庫銀充餉官兵復重慶六月詔諭山東愚民有從賊來歸者赦之己卯發帑金五十萬於遼東築牆辛巳奢會僞總兵張武等就擒僞丞相何若海等來降壬午皇極門工成秋七月己酉發帑金三十萬蟒緞八百疋撫敵壬子命賑山海二路雨災詔撫集流徙遼民予田產庚申貴

州官兵敗績。癸亥。畿南紅巾賊于志宏反。討之。丙子。命大學士孫承宗巡歷山海諸處。兵馬城守。丁丑。武夷妖賊平。甲申。禁百官私交。乙酉。敍四川死難諸臣。九月甲午朔。升光宗及孝和皇后神主於太廟。庚子。詔新增兵照地畝起餉。乙巳。虎酋款邊。乙酉。設河間屯學。乙卯。冊封皇五弟爲信王。詔停刑。冬十月壬申。雲南官兵恢復霑平。乙亥。順義王補貢。敕止之。丁丑。戒有司混徵停減錢糧。辛巳。山東妖賊徐鴻儒就擒。平之。十一月丙申。四川獻俘。告郊廟。戊戌。慶陵工成。庚戌。命以舊甲裏數萬縫緝衣。京師貧民。丁巳。以天氣嚴寒。賜榆關督撫道將各貂皮有差。發帑金五萬賑遼民。命朱燮元爲兵部侍郎。督川湖陝西兵救黔。發帑金三十萬充餉。十二月甲子。暹羅國貢方物。丙寅。以宗室慎鋈首登甲第。命選授京職。著爲令。己巳。貴陽圍解。以山東平。諭撫按官存卹孟氏子孫。修復孟廟。甲戌。泰寧福餘朵顏三衛夷人進馬。賞賚有差。辛巳。停各衙門添註官。覈四川文武功罪。廕卹勘議有差。卹廣東死事將士。辛卯。旌表孝順節烈人等。三年癸亥。春正月。禁召募。舉保甲鄉兵法。工部尙書姚思孝奏織造病民。乞復舊制。不允。辛丑。募壯勇。舉屯鳳淮荒田充餉。壬子。貴陽圍解。宣捷。甲寅。易州妖賊侯德等就擒。乙卯。紅夷入彭湖。窺銅山等處。禦之。因遣人乞市。二月癸亥。考察京官。乙亥。貴州副總兵劉超大敗安賊於陸廣河。參將秦明屏復破之於乾溝。蹙其五寨。戊寅。簡內庫軍器發遼東軍前。及銀十萬。蟒鱗緞虎豹紵絲於遼。備戰賞。番人安把劄貢方物。丁亥。貴州鴨池陸廣兵敗績。三月甲午。廣西南丹州土官莫儻陰黨安酋。其祖母韋氏殺之。詔旌其義。紫荆妖民趙思武聚衆爲亂。推官范紹序討擒之。丁未。申明憲綱。庚戌。禁鈔傳機密軍情。雲南逆賊祿千

鐘犯尋高武定曲靖。官兵禦卻之。平夷霑益復補鮮。再犯越州。官兵大克之。斬獲甚多。甲寅。銀會入犯。擊敗之。黃梅民熊宣等作亂。擒之。丁巳。登萊水兵出海。流球國中。山王世子尙豐遣使貢琉黃馬匹。戊午。汰各鎮操守千把總官。夏四月辛酉。申飭朝儀。壬戌。盜入元武門廊下。緝獲之。丙寅。諭各督撫選將材。辛未。兩廣總督胡應台進西洋習練火器人。命教肄之。戊寅。以牧地災傷。蠲薊州草場租。庚辰。停三部總理。戊子。貴州大水大捷。獲渠帥宋萬化。僞軍師劉洪祖。斬之。是時朝鮮國李倧篡其君。五月壬辰。順義王遣人貢鞍馬弓矢。甲午。詔選淨身男子一千人。以河決。蠲陳租稅二年。辛丑。免南京進鮮。四川永寧大捷。奢崇明父子敗走紅崖。丁未。册封才人張氏爲裕妃。癸丑。卹山東死難諸臣。六月。詔再選淨身男子一千人。乙亥。光宗實錄及寶訓成。丙子。虜掠白馬關。禦之。御史劉之鳳請罷內操。不許。秋七月。奢寅父子敗走龍場。賜遼東死事諸臣祠額。丙申。遣官旌韓莊王妃董氏及韓王亶墻節孝。甲寅。廕太監王體乾。魏進忠子。姪爲錦衣。指揮世襲。廷臣爭之。不報。八月辛酉。以納銀助餉。曰遼生附儒學。戊辰。嚴巡方濫舉之禁。獲安酋僞總兵何中蔚。獻俘。磔之。九月庚戌。錄四川死難總兵楊愈。副使李維周等後。冬十月辛酉。平遼總兵。毛文龍潛師夜復金州及滿浦呂城。錄遼東陣亡武臣後。癸酉。克安賊。琿哈羊雀等屯。斬獲甚衆。丁丑。免行刑。辛巳。皇第二子生。蠲湖廣鮮貢。閏十月己亥。宣延綏等處捷。戊申。套虜貢馬。十一月乙酉。敕貴州擣巢解圍功。右都御史朱燮元等廩賚有差。十二月己亥。陝西韓城妖人李毛頭等作亂。討擒之。己酉。毛文龍與清兵大戰於閻王寨。庚戌。補給先臣楊繼盛全葬。甲寅。旌節孝貞烈。

四年甲子春正月王師進擣大方奏捷獲逆酋奢崇明及其妻子僞官蔡金貴等獲深州妖民間香教主王好賢等誅之二月申舉諸祀典定吏胥稅役法以補民賦之不及免川廣閩浙香貢諭川貴總督朱燾元議處蘭地三月命吏部酌議銓司變通之法革乞恩空選例杭州兵變廢太監魏忠賢弟爲錦衣百戶夏四月戒奏疏冗漫擒獲龍華會首逆妖金科等誅之清兵攻旅順都司張盤禦之去五月欽定各省鄉試主考官福寧州軍變尋撫定之禁私鑄錢嚴朝覲官員科斂餽送之禁敍黔中解圍復城功六月左副都御史楊漣劾魏忠賢二十四大罪上不問矯旨殺工部屯田司郎中萬燧皇子薨恤錄貴州死事文武官吏秋七月蘭酋奢史都等伏誅紅夷通倭寇福建禦之詔進大學衍義補給事中劉懋請罷內操不報河決徐州山東命賑之烏師三捷八月黔中官兵克巖頭寨斬獲無算宣大備邊詔肅朝儀褒封五經博士孟所譽母張氏曰貞懿上耕籍田廣順天鄉試解額申明會典輿服之禁命恤商九月命直省搜求誌傳奏疏文集等書附進表朝覲官齋進以備纂輯發內運庫兵器於遼東詔停刑鄒泗盜平敍關外勞臣賞賚有加冬十月玉璽見於漳濱文曰受命於天既壽永昌福建兵破走紅夷焚其巢獻俘慶陵工成申飭監規改折江南漕糧十二月召還光廟建言諸臣

五年乙丑春正月朝覲大計辛丑賑江南被災民戊午雲南普安奏捷辛酉江南重災地方漕糧改折三分之一浙江帶運遼米暫折一年壬申停閩轉邊功勞陞例卹貴州死難副使孫先恕等錄其後戊寅白菱湖姦民楊桓等聚衆倡亂僞稱懿德元年潛礪山永城等處擒之二月謫去年鄉試策問語涉規正讖

譏者方逢年等令後試錄但錄原文著爲令辛丑停準貢例丙午遣官冊封朝鮮國王李侗三月癸丑套虜入犯鎮番官兵禦勝之獲二百餘級甲寅臨太學釋奠先師癸未水西師敗績乙丑以太監魏忠賢修肅寧城廕弟姪爲都督僉事丙寅策試天下貢士賜余煌等進士及第出身有差敕廉智大臣專搜括鹽筴錢法數項以資邊餉右參議馮時行進五車式並車陣圖上嘉納之丁丑北鎮撫司勘問中書汪文言詞連趙南星楊漣左光斗魏大中繆昌期毛士龍周朝瑞等俱逮問夏四月清捕營占役癸未定水西失事諸臣罪丙戌命鼓鑄於荊州己丑給事中霍維華借紅丸一案參劾大學士劉一燾韓爌等籍甲午毛文龍奏鐵谷捷敕天下嚴保甲法丙午發出中宮等宮諸王公主及內官閒住內官助餉銀四十萬於遼五月甲寅詔黔蜀官久任責其屯練行宗室限祿法六月乙酉允御史楊新期奏分地核兵革虛冒清加餉丁亥分布防秋兵馬己丑詔撫按不效責吏部都察院同罪之水蘭烏嚨逆賊窺益官兵敗走之下都御史左光斗楊漣都給事中魏大中於詔獄次第殺之壬辰命修三案事爲書庚子改進士楊汝成等爲庶吉士秋七月滇南初開鼓鑄切責鎮撫司嚴追楊漣等賊八月壬午以御史張納言命毀天下講壇免鄒元標等爲庶人壬寅熊廷弼棄市傳首九邊壬子遼東副總兵魯之甲等謀襲錦州渡河敗歿冬十月丙子朔皇第三子生尋薨免行刑癸巳諭經略尙書高第開誠布公集思廣益大張撻伐之威用慰宵旰之意十一月刊宗室限祿法爲書頒之川貴總督蔡復一進勦苗寇天保阿秩等克一百七十四寨上諭獎之丙辰廕魏忠賢族叔志德爲都督僉事十二月榜示東林黨姓名刊書頒示海內丙戌廕魏忠賢甥

傳應星爲左都督。戊戌。改書院爲忠臣祠。祀遼東死難諸臣。壬寅。遣官賑河間旱蝗饑民。旌表節孝貞烈。六年丙寅。春正月。詔免權各處負販薪米者。命專官督理守城軍器。戊午。開館纂修三朝要典。丁卯。清兵營大凌河。庚午。清兵圍寧遠。辛未。寧遠圍解。二月。嚴逃兵之禁。丁丑。西夷入犯平川三山。官兵禦之。斬獲三百餘級。丙申。卹四川死難參政李忠臣等。錄其後。己亥。福餘等處夷人貢馬及方物。三月。丁未。設各鎮監軍內監。封魏忠賢姪良卿爲肅寧伯。予誥券世襲。己酉。大學士顧秉謙馮銓屢諫內員出鎮之非。不報。遼東中後所火燬軍器民房無算。壬子。賜肅寧伯魏良卿土田七百頃。甲子。封西洋大礮爲安國全軍平遼靖虜大將軍。夏四月。賜魏良卿第宅朝房。乙亥。遣官分採花石。丁丑。諭括鹽河各項銀助殿工。開納生員例。海寇林七老等合紅夷爲亂。僭稱王號。官兵討平之。癸未。發遼人出關安插。給路費。辛卯。敕寧遠功。應魏忠賢弟姪一人爲錦衣衛都指揮使。餘陞賚有差。喇嘛生吉合銀歹等僉犯甘肅。官兵禦之。斬獲三百餘級。遁去。五月。丙午。左春坊左諭德繆昌期卒於詔獄。戊申。京都王恭廠火。震死軍民無算。丙辰。貴州官兵大敗逆賊于威清。六月。丁丑。皇太子薨。癸未。敕採雲霧山木植。戊子。河南盧氏縣姦民李宗善等聚衆爲亂。官兵擊擒之。吏部主事周順昌卒於詔獄。庚寅。三朝要典成。賞賚有差。閏六月。原任御史黃尊素李應昇卒於詔獄。己酉。順天府尹秦聚奎請罷官民捐助。詔譎之。秋七月。日食。陰雲不見。丙子。長陵寶城圯。命工部修築。停正旦中秋香蠟錢糧。殺揚州知府劉鐸。癸巳。安南遣使貢方物。八月。免四川災傷稅糧。丙午。賑陝西災荒。丙辰。烏思藏護教王遣使進方物。九月。丁丑。初設關外餉司。庚辰。御史周起元卒於

獄乙酉封漕河神爲通濟元帥免行刑甲午上初御皇極殿百官行慶賀禮有聲如怒濤自殿中出己亥黃台吉以數萬騎屯塞下挾賞矯旨下皇親張國紀於詔獄魏良卿進肅寧侯改給誥券冬十月詔加魏良卿土田三百頃戊申晉魏忠賢爲上公加恩三等己酉三殿工成詔誥天下壬子厲禁流言癸丑改修光宗實錄敝殿工加賚有差加魏良卿祿米歲支五千石加賜土田一千頃貴州出師勦勻哈克百餘寨擒斬無算戊午命預徵七年加派租稅壬戌工部尙書薛鳳翔請帑銀五萬爲魏忠賢建第十一月以修築邊牆廕魏忠賢弟姪一人爲錦衣指揮使乙亥河南盧氏縣鄉宦刑部主事李作乂輸粟一千石賑饑民降敕旌獎戊寅以重修孝陵工成廕魏忠賢弟姪一人爲錦衣指揮僉事尋以關門修築又廕指揮同知一人又以捕礦盜廕其甥傅之琮爲錦衣指揮同知發御前銀六千兩煮粥賑京師饑民癸巳宣甘鎮捷廕忠賢弟姪爲錦衣指揮使戊戌閩寇楊六等率黨來降十二月庚申朝鮮遣使送還漂海人丁七年丁卯春正月魏忠賢助餉銀三萬濟遼廕弟姪一人世襲錦衣指揮使申選除王府官例壬午松虜銀歹糾結套虜土巴台吉犯威勝等處官兵分禦之斬獲一百六十餘級遁去庚寅命以汝福二王遺地給信府免咸陽潼關等處稅糧有差二月庚子信王出府成婚乙巳命嚴登津等處海防丙午再敕寧遠功廕魏忠賢弟姪一人爲錦衣指揮使餘陞賞有差松潘龍安番賊出犯官兵擊退之丁未進封魏良卿爲寧國公給肩輿丙辰築中前所鐵場堡等城己巳遣官護送桂瑞惠三王之國三月辛未清兵圍鐵山遼撫袁崇煥發兵援之壬申豐城侯李承祚奏開採珠池銅礦不許戊寅清兵入安州攻黃州堡庚辰宣

雲南平定武尋之捷。敍雲南功。廕陞賞賚有差。以擒獲姦細。廕魏忠賢弟姪一人爲指揮使。戊子。清兵攻朝鮮。登萊兵赴援之。庚寅。命魏忠賢所廕指揮改尙寶寺丞。夏四月。姓木諸虜犯邊。總兵陳洪範官惟賢率兵禦卻之。斬首百八十級。辛丑。煖泉虜入犯。官兵禦卻之。擒獲阿班歹等。歸功魏忠賢。敍廕。壬子。以隆德殿工成。廕魏忠賢弟姪一人爲指揮使。五月乙亥。安南進貢。庚辰。松套虜合騎入犯。官兵禦卻之。斬獲百八十餘級。辛巳。清兵圍錦州。壬午。封銀礦洞口。以三藩竣役。廕魏忠賢弟姪一人爲指揮使。乙酉。命戶部開會計局。清天下賦役册及九邊兵籍。丙戌。清兵圍塔山。錦州圍解。甲午。開濮餘孽。鄭江等復作亂。官兵擊平之。六月。清兵攻寧遠。總兵滿桂等大戰。清兵退。奏錦州解圍捷。海寇一官老犯福建銅山等處。宣延鎮捷。秋七月乙丑。潯州賊胡扶紀作亂。就擒。餘黨尋平。丙寅。命開採一片石關鉛礦。己巳。申禁鄉會試錄文不得詆毀朝政。癸酉。帝不豫。詔遼士於山東鄉試中二名。己卯。敍錦州功。封魏忠賢四歲孫魏鵬翼爲安平伯。加少師。歲祿二千一百石。賜誥券。餘陞廕賞賚有差。賜魏鵬翼土田七百頃。戊子。旌表天下節烈賢孝。移內市於玄武門內。八月壬寅。以三殿工。廕客氏弟男各一人爲錦衣指揮使。乙巳。召見閣部科道官於乾清宮。諭以魏忠賢王體乾恪謹忠貞。可與商確大事。大學士黃立極等對曰。皇上任賢勿貳。諸臣敢不仰體。帝大悅。敍殿工。封魏忠賢姪魏良棟爲東安伯。賜予如鵬翼。餘各廕陞賞賚有差。是年薊遼總督閻鳴泰。巡按御史劉詔。倪文煥。梁夢環。請建魏忠賢祠於西協。賜名崇功。工部商人建於京師。曰崇仁。通州曰彰德。太僕少卿何宗聖建於三山。曰顯德。總督宣大張樸。山西巡撫曹思誠。巡按御史劉宏光。

建於五臺山。曰報功。建於太和山。曰昭德。建於鳳陽。曰旌德。建於建昌。曰崇德。工部監督郎中魯國禎。建於蘆溝橋。曰隆恩。監生陸昌齡。請建於國學。春秋祀。順天督撫。按建於宣武門外。延綏巡撫。朱童蒙。建於本鎮。曰祝恩。工部侍郎盧大受等。建於京師。總督薊遼閻鳴泰等。建於景忠山。曰廣恩。登萊巡撫李嵩。巡按御史李精白。建於泰山。曰隆熹。並嶽河南巡撫郭增光。巡按御史鮑奇謨。建於開封。曰載德。江北曰瞻德。五軍都督府等衙門。建於京師。曰德芳。又曰茂勳。巡撫大同張翼明。巡按御史張浴。建於赤城。曰崇功。巡撫保定張鳳翼。建於真定。曰旌勳。總河侍郎李從心。漕運侍郎郭尙友等。建於濟寧。曰表勳。巡鹽御史許其孝。建於揚州。曰瞻恩。直隸提學御史李蕃。建於河間。題主曰九千歲。巡撫湖廣梁應澤。姚宗文。巡按御史溫泉謨。建於武昌。曰隆仁。承天曰宏惠。均州曰載恩。曰隆仁。總督三邊史永安。巡撫胡廷美。巡按莊謙等。建於太白山。曰懋彝。楚王華奎。建於武昌。曰隆仁。又建於通州。曰懷仁。建於遼東。曰元功。曰茂德。武當山曰昭德。上林苑曰感恩。松江曰德馨。蘇州建祠。後爲五人之墓。皆欽賜題額。傳諭崔呈秀。進兵部尙書。加少傅。兼太子太傅。仍兼左都御史。甲寅。帝大漸。傳諭肆赦。二十二日乙卯。崩於乾清宮。壽二十三。遺詔以皇五弟信王嗣皇帝位。十月庚子。上尊諡曰達天闡道敦孝篤友章文襄武靖穆莊勤愬皇帝。廟號熹宗。崇禎元年三月。葬德陵。

史官贊曰。昔聞帝具智慧。運巧思。性好木工。自操斧鑿。運之成風。卽飲膳可忘。寒暑罔覺。嗣好漆工。製器美絕。能馳馬試劍。每手格獐狼狐兔。以爲樂。委太阿於逆闖。受煬竈於淫姆。天下至崩壞而不可收拾。使

懷宗承之。懷宗之不幸。適逢其會矣。悲夫。

明書卷十九

本紀十六

懷宗端皇帝本紀

帝諱由檢。光宗貞皇帝第五子也。母孝元皇后。於萬曆三十八年庚戌十二月二十四日。生帝於東宮。少岐嶷穎悟。性至孝。孝元皇后早逝。帝每私遣人恭祭。凡發使反命。皆憾慄孺慕。淚盈盈下。光宗以帝早喪。母託莊妃李氏撫養。莊妃薨。帝哀痛如禮。其視慈母無異生母也。性喜讀書。十餘歲卽好靜坐。頤養。先是聞熹宗用立枷事。帝每愀然不悅。曰。此亦太慘矣。無事課內臣讀書。有口慚者。輒呵責之。曰。讀書羞。歌不羞耶。嘗辭贍田若干頃。天啓七年八月二十二日。熹宗崩。帝以遺詔遵祖訓。兄終弟及之條。卽皇帝位。在位一十七年。甲申三月十九日。都城陷。帝立視后及諸妃自縊。手刃諸公主。諭遣皇太子諸王。遂走經崩於萬歲山。壽三十五。大清命諡爲懷宗端皇帝。葬土城關外。曰思陵。

史官贊曰。帝恭儉聰明。凡禮樂刑政。皆其自出。至於防邊固圉。無不竭盡心力。第人經積玩。不能仰體帝心。以致屺繆。天祿永終。非帝之罪也。烈烈而死。從來亡國。未有如帝者。其堪與北地王埒英氣矣。諸凡行事。皆人所耳而目之。不敢臆斷。緣章奏散失。故籍不存。遂不能成本紀云。

明書卷二十

紀一

宮闈紀一

史官論曰。后妃之設。非徒令其尊榮蘭殿。娛逸璇宮。蓋以廣緒贊治。帝王之統繫焉。而后爲重。始德化。蕩陰事。母儀天下。帝王或有失德。韓房之間。易以諫進。倘匹嫡微。寵孽盛。左右近習。夤緣爲姦。害及政事。兆姓苦焉。豈細故哉。明太祖詔修女誡。諭廷臣曰。治天下者。修身爲本。正家爲先。正家之道。始於謹夫婦。皇后雖尊。媿人主。然不可預政事。至於嬪嬙之屬。不過備職事。侍巾櫛。若寵之過。則驕恣犯分。上下失序。歷代宮闈。政由內出。鮮不爲禍亂。夫內嬖惑人。甚於鴆毒。惟明主能察於未然。其他未有不爲所惑者。卿等纂女誡。錄古后妃事。可師法。使後世知所守。復命工部造紅牌。鐫戒諭之詞。豎於宮中。又著令嚴宮闈出入之禁。猗歟休哉。是以終三百年。無龍螬燕啄之妖。絕斃犬懸龜之禍。如古所謂同輦竝坐者。不止羣臣無以顯忠直。而深窈嚴邃。其陰教之淑。容華之美。傳著者罕焉。今卽正史所述。列於茲篇。皆別以世代。先皇后。重光化也。次妃嬪。穆羣理也。而以公主宮人附焉。使考內職者。有以稽助養之遺云。

太祖高皇帝。

皇后馬氏。后宿州閔子鄉新豐里人。父馬公。母鄭氏。后其季女也。生元至順壬申七月十八日。母鄭早卒。父馬公素與滌陽王郭子興厚。先是日者言此女當大貴。父因以託子興。父卒。子興育同己女。后自少貞靜端一。孝敬慈惠。聰明出人。意表尤好詩書。子興妻張極撫愛之。屬元亂。子興據濠。太祖入濠避兵。子興見而奇之。遂以后嬪於上。誠敬感孚。內外譽之。上初渡江。后率諸將士妻以隨。及上定建康。日與吳楚戰。后率妾媵躬完衣鞵給將士。夜分不寐。每贊上規畫。悉合機宜。一日上因干戈擾攘爲生民苦。焚香祝天。願天命早有付託。后進曰。方今豪傑并爭。雖未知天命所歸。以妾觀之。惟以不嗜殺人爲本。上曰。此言正合我意。上卽位。册爲皇后。太祖謂侍臣曰。昔光武勞馮異曰。倉卒蕪蕪亭豆粥。滹沱河麥飯。厚意久不報。君臣之間。終始兩全。朕念皇后起布衣。同甘苦。嘗從朕在軍。倉卒自忍饑餓。懷糗餌。朕比之豆粥麥飯。其困尤甚。昔唐太宗長孫皇后。當隱太子構隙之際。而能盡孝。謹承諸妃。消釋嫌疑。朕素爲郭氏所疑。徑情不恤將士。或以服用爲獻。后輒獻郭氏。慰喜其意。及欲危朕。后輒爲彌縫。卒免患。殆尤難於長孫皇后。朕或因服御詰怒。小過輒謂朕曰。主忘昔日之貧賤耶。朕爲惕然。家之良妻。猶國之良相。豈忍忘之。因退以語后。后曰。夫婦相保。易。君臣相保。難。且妾安敢比長孫皇后。但願陛下以堯舜爲法。其恭儉出於自然。既正位中宮。益勤勵。訓率六宮。一日集女史清江范孺人等問曰。自唐宋以來。何后最賢。家法何代最正。對曰。惟趙宋諸后多賢。家法最正。遂命錄其家法。賢行。令女史誦而聽之。曰。不徒爲吾今日法。可爲子孫萬世后妃法也。服澣濯。敝不忍易。因聞元世祖后煮故弓弦事。亦命取練之。織爲衾裯。以惠孤老。宮中制服。

緝其餘爲巾褥。織工治絲。有荒類棄遺者亦恤之。命再織。以賜諸王及公主。且諭之曰。生長富貴。當知蠶桑不易。爲天地惜物。儉可邁迹者類如此。后初未有子息。撫上兄子文正。姊子李文忠。及沐英等。皆如己出。及太子諸王生。恩無替焉。御嬪妃以下。有樛木風。視太子諸王。雖愛之甚篤。勉令務學。諄切懇至。或有以衣服器物相尙者。必切責之。上懲元弊。治從重典。后每勸以寬仁。或前殿有震怒。退后輒諫曰。正好積爲子孫福。國祚亦永。上嘉納之。十五年。上開元府庫。輸其寶貨。至京師。問上曰。得元府庫何物。上曰。寶貨耳。后曰。元有是寶。何以不能守而失之。蓋貨財非寶。帝王自有寶。上曰。后意朕知之矣。其謂得賢乎。后曰。妾每見人家產業厚。則驕生。時命順則逸生。家國不同。其理無二。故世傳技巧爲喪國斧斤。珠玉爲蕩心酖毒。誠哉是言。但得賢才。朝夕啓沃。共保天下。真大寶也。太子師宋濂。以罪被逮。至京。上欲誅之。后諫曰。民間請一先生。尙終始不忘待師之禮。宋濂親教太子諸王。豈宜若是。況濂致仕在家。必不知情。上意不釋然。及侍膳。后獨不御酒肉。上詰其故。后曰。妾聞宋先生坐罪。薄作福祐之上。投箸惻然起。遂赦濂。置茂州。文正鎮江西。多不法。上旣誅其左右。且以及文正。后諫曰。文正自渡江來。多戰功。及守江西。卻勅敵。保無虞。且至親骨肉。縱有罪。當宥之。上悟。遂寢。吳興富民沈萬三。富敵國。上欲因事誅之。后曰。彼固富敵國。未嘗爲不軌。奈何以疑殺。萬三得流。太學成。后聞太學諸生有攜妻孥者。無所仰給。勸上賜以月糧。仍賜有室者以女紅。著爲令。上凡識記書札。悉付后。后具囊中。倉卒取進。未嘗脫誤。上膳必躬爲省視。宮人或勸止。后曰。吾固知有司之者。但婦人事。夫不可不謹。膳羞上進。不可不潔。倘有不至。汝輩受責。吾心豈安。

吾所以爲此者。一以敬上而不敢忽。一以保汝輩免於責也。宮人有過。上怒。后亦怒。命左右執付宮正司議罪。上霽威問曰。后不自責。罰付之宮正司何也。后曰。賞罰惟公足以服人。治天下者。豈人人自賞罰哉。有司諭之耳。上曰。后亦怒何也。后曰。當陛下怒時。遽自罰之。非惟犯者獲重罰。陛下亦損中和之氣。故妾之怒者。所以解陛下之怒也。上深然之。壬戌秋八月丙戌。大漸。上亟召醫視進藥。后不服。上強之。對曰。死生有命。雖扁鵲何益。使吾服藥不瘳。陛下寧不以愛妾之故而殺諸醫乎。妾不忍也。上曰。第服之。縱萬一不效。朕當爲汝貸之。竟不服。遂崩。壽五十五。上震悼。終身不復立后。后生懿文太子標。秦王棧。晉王橒。太宗棣。周王橒。建文卽位。諡曰孝慈昭憲至仁文德承天順聖高皇后。嘉靖十七年冬十一月。加諡曰孝慈貞化哲順仁徽成天育聖至德高皇后。祔葬孝陵。祔廟。封后父馬公爲徐王。立廟於宿州。世祀之。

皇淑妃李氏。鳳陽壽州人。父傑。洪武初以廣武衛指揮北征陣亡。十七年秋九月。孝慈皇后旣除服。册爲皇淑妃。攝中宮事。史官曰。沒而服衰。以母視之。册而兼皇。以君視之。別嫌明微。以正內也。

皇寧妃郭氏。臨淮人。郭山甫之女。山甫善鑒識。初太祖微時寓臨淮。一日過其家。山甫相之大驚。遂飲太祖酒。旣酣。跪曰。公天表異質。貴不可言。幸毋忘今日。比罷。因謂諸子曰。吾視若曹皆非田舍郎。往往可封侯。殆由此耳。亟遣從渡江。遂亦遣妃入侍。協贊孝慈皇后於軍中。後封爲皇寧妃。皇淑妃薨。妃攝六宮事。父山甫追封營國公。妃生魯王橒。

惠妃郭氏。子興季女也。入侍太祖。封惠妃。生蜀王椿。代王桂。谷庶人櫛。

充妃胡氏諡昭敬生楚王楨

貴妃孫氏諡成穆

惠妃崔氏諡莊靜安榮

順妃胡氏生湘王柏

周妃生岷王棟韓王松

李妃生唐王樞

麗妃葛氏生伊王欒

吳妃生趙王杞安王楹

興宗康皇帝卽懿文皇太子

皇后常氏濠州人開平王遇春女爲皇太子妃先薨諡懿敬建文卽位追諡爲孝康皇后永樂元年復稱

懿敬皇太子妃祔葬懿文陵

繼后呂氏壽州人太常寺卿呂本女建文卽位稱爲皇太后當太宗兵渡江后遣大長公主及慶邸王使

燕軍議割地請和太宗不許遣人迓后太宗述不得已起兵之故后未還宮宮中火起建文四年七月隨

其子敷惠王卽徐王允燿居懿文陵太宗卽位稱爲皇嫂懿文太子妃生虞懷王雄英建文皇帝吳王允

燿衡王允燧徐王允燿

邸妃生肅王模

韓妃生遼王植

余妃生慶王榘

楊妃生寧王權

貴妃趙氏生藩王模

惠妃劉氏生郢王棟

定妃達氏生齊庶人樽潭王梓

賢妃李氏生唐王樞

建文皇帝。

皇后馬氏。應天人。光祿寺卿全之女。洪武二十八年十月。冊立爲皇太孫妃。建文元年二月。冊立爲皇后。四年六月十三日。以焚崩。生子文奎。文圭。

太宗文皇帝。

皇后徐氏。中山武寧王達女。洪武元年正月二十七日。冊封爲燕王妃。后性恭儉仁厚。言動有則。喜怒不形。逮諸妃嬪有恩。能容人過。人亦畏服。初從太宗之北平。理內政肅然有條。太宗卽帝位之十一月壬辰。冊立爲皇后。后弟增壽。太宗起兵時。常有陰翊戴功。爲建文皇帝所殺。上將追命之爵。以語后。后力言不可。乃止。后居宮中。每與皇太子言。惟孝親恤民。與妃嬪以下言。惟恭敬和睦。時仁宗居東宮。后言於上曰。太子國家之本。願擇老成端重之士。輔養德器。上曰。后言是也。皇考之制。東宮官屬。率以廷臣兼之。任使一則疑隙不生。今凡宮臣之重者。悉遴廷臣賢者兼之。后曰。此先朝鑒戒。往代之失。誠良法也。雖萬世當守而行之。時上信用解縉等七人。后屢欲見其命婦。上謂縉等曰。皇后欲見爾七人命婦。因朝后於柔儀殿。宴寶備至。后常從容問上曰。陛下日與共國政者。何官最要。上曰。六卿治政務。翰林職綸恩。典詞命。皆朝夕左右者也。后因請悉賜其命婦冠服鈔幣。且諭之曰。妻之事夫。其道豈止於衣服饋食。必有德行之助焉。古之公侯夫人及大夫士之妻。助成其夫之德化。有形於詩歌。有載於史傳者矣。古今人豈相遠哉。常情朋友之言。有從有違。夫婦之言。婉順易入。吾在宮中。旦夕事上。未嘗不以生民爲念。每承顧問。多見

聽納。今上所以共圖理道者。六卿翰林之臣數輩。諸命婦不可有以翼贊於內乎。百姓安則國家安。國家安則君臣同享富貴。澤被子孫矣。后喜讀書。嘗觀女憲女戒諸書。繹其義作內訓二十篇。母儀章有云。孔子曰。女子者。順男子之教而長其理者也。是故無專制之義。所以爲教。不出閨門以訓其子孫。本之以慈愛。臨之以嚴恪。慈愛不至於姑息。嚴恪不至於傷恩。傷恩則離。姑息則縱。而教不行矣。其言大率類此。五年七月初四日。大漸。遺令皇太子曰。夙夜勤恪。敬事君父。崩壽四十六。合葬長陵。后生仁宗昭皇帝。漢庶人高煦。趙王高燧。二十二年。上諡曰仁孝慈懿。誠明莊獻配天齊聖文皇后。祔廟。

惠妃吳氏。生皇四子高燾。未封薨。諡康穆懿恭。

麗妃韓氏。諡康惠莊肅。

賢妃喻氏。諡昭順。

貴妃王氏。諡昭獻。

順妃張氏。諡貞靜。

順妃郭氏。諡惠穆。

賢妃王氏。諡恭和榮順。

惠妃龍氏。諡安順。

惠妃崔氏。諡康靖莊和。

麗妃陳氏。諡恭順榮穆。

賢妃王氏。諡昭肅靖惠。

順妃王氏。諡昭惠恭懿。

賢妃喻氏。諡昭敬忠順。

賢妃權氏。朝鮮人。父權永均。國王李芳遠遣使送至京。拜光祿寺卿。妃侍駕北征。還至臨城薨。諡恭獻。

妃極穠粹。善吹玉簫。上巡幸必從侍焉。

順妃任氏。昭儀李氏。婕妤。

美人王氏。諡恭榮。

呂氏。美人崔氏。俱朝鮮人。

美人盧氏。諡景惠。

仁宗昭皇帝。

皇后張氏。后河南永城人。父麒。任指揮使。以女貴。封彭城侯。洪武十六年。冊封爲燕世子妃。歸上於燕邸。操女行甚謹。執婦道不爽毫髮。一日太宗偕徐后御便殿。后親事庖爨。供飲饌。一一當於禮。太宗喜。謂徐后新婦賢。吾家事有賴也。永樂二年。冊封爲皇太子妃。二十二年十月。冊立爲皇后。未幾。仁宗崩。宣宗卽位。上尊稱爲皇太后。一日上奉皇太后遊西苑。上躬掖太后與上萬歲山。奉觴上壽。獻詩頌聖德。太后悅。酌酒賜上。且諭曰。今天下無事。吾母子得同此樂。皆天與祖宗之賜。天下百姓。皆天與祖宗之赤子。爲人君。但在保安百姓。使不至於饑寒。則吾母子斯樂可永矣。上拜稽首曰。謹受教。宣德五年二月。上以清明節近。召蹇義。楊士奇。楊榮。諭之曰。皇太后篤念祖宗。朝夕弗寘。每諭朕曰。祖宗之鴻業。惟勤負荷。祖宗之成憲。惟敬遵承。朕不敢怠忽。昔漢明帝奉太后謁陵。著於史冊。今朕將奉太后謁二陵。庶可慰聖心。禮獻義等對曰。太后聖孝。陛下敬承之。天理人心之正也。上以聞於太后。太后喜。越二日。五軍嚴備。供具出大內。不煩有司。上躬囊韉。騎導。太后輦至清河橋。下騎扶輦過。上復騎。時畿民迎拜滿道。山呼之聲。震動林野。蹕沙河侍膳畢。退召義等。諭之曰。母后天性至孝。今日朕侍道中。指天壽山曰。二陵在其下。母后望之。感愴。今日天氣清和。人心皆悅。皆母后誠孝所感。義等對曰。太后聖孝。陛下奉承。自足感格天人。謁陵畢。

太后召扈從官輔義士奇榮幼孜溥見太后曰皇帝數言卿等輔贊勞心今國家清寧生民無事固祖宗垂祐亦卿等之力輔等對曰聖上敬天法祖仁愛兆民以致康濟皆太后聖德大訓臣等實無寸補太后曰吾何德皆祖宗積善垂慶卿等皆先朝舊人自今更須協力一心非但國家蒙福祖靈昭鑒亦必敷佑卿等使卿子孫安榮遂命賜酒饌白金文綺時陵傍居民拜迎於道太后顧謂上曰百姓愛戴君上以能安之古帝王保天下裕子孫令聞長世千載之下人猶仰慕亦惟能安民爾國家恆輕徭薄賦以存恤爲務庶幾爲民父母之道於是太后過視道傍民家召其老婦問所業及安否其婦老稚皆踴躍應對質樸如家人然太后喜賜鈔幣飲食民有進蔬食酒漿者太后嘗之舉以與上曰此農家食也當知之十年宣宗崩英宗方九歲訛言太后取襄府金牌大臣哭臨畢請見皇太子叩頭呼萬歲英宗卽位上尊稱曰太皇太后其時父彭城侯麒麟諭彭城伯張昶都督張昇曰爾等尙其循禮度修恭儉率子孫毋作過愆自今惟渴望公朝有政議悉毋預問不然有祖宗法在后將宮中一切玩物及不急之務悉屏去禁中官不差大臣請太皇太后垂簾視事不許且曰毋壞我祖宗家法使母后預政也是時政在臺閣委用三楊先是有詔凡朝廷大政必白於太后然後行太后令付內閣議決是時王振有寵畏太后不敢專每數日必遣中官至閣內問連日曾有何事商確卽以帖開某日有某事來議如何施行太后乃以帖所開驗之或有不付內閣議者必召振責之正統二年春一日太皇太后御便殿召英國輔大學士士奇榮溥禮部尙書潑入朝左右女官雜佩刀劍侍上東立輔等西下立太后召問輔五人顧謂上曰此五人先朝所簡皇

帝凡有行，必與之計，非五人所贊成者，則不可行也。上受命，頃間呼太監王振至，俯伏。太皇太后顏色頓異，曰：汝侍皇帝起居，多不律。今賜汝死。於是女官加刃振頸，上跪爲之請。諸大臣皆跪。太皇太后曰：皇帝年幼，豈知此輩自古誤人家國多矣。吾且聽皇帝及諸臣留振。此後不得再令干國事。正統七年十月十七日，大漸召內閣諸臣至榻前，問朝廷尙有何大事未舉者。楊士奇對曰：有一二事。其一，建文君雖滅，曾臨御四年，當命史官修其實錄，仍用建文年號。太皇太后曰：厯已革除，奈何。士奇對曰：厯行於一時，實錄萬世信史，豈可蒙洪武之年以亂實。太后頷之。又曰：其一方孝孺已誅，太宗詔收其片言隻字者論死，乞弛其禁。太后默然。士奇等叩頭稱受顧命而出。十八日崩，合葬獻陵。后崩後，王振始恣。當時仁宗在東宮，瀕危殆，非后妙於周旋，禍且不測。宣英二朝，天下治平，后之力居多。人稱女中堯舜，信然。后生宣宗章皇帝，越王瞻墉，襄王瞻埜，是年十一月，上諡曰：孝誠恭肅明德宏仁順天啓聖昭皇后，祔廟。

貴妃郭氏，諡恭肅，生滕王瞻埜，梁王瞻垧，衛王瞻埏。

敬妃張氏，諡貞靜，生荆王瞻埒。

賢妃李氏，生鄭王瞻埜，淮王瞻墀。

順妃譚氏，諡恭僖，生蘄王瞻垠。

充妃黃氏，諡恭靖。

淑妃王氏，諡貞惠。

麗妃王氏，諡惠安。

麗妃李氏，諡悼僖。

宣宗章皇帝

廢后胡氏后山東濟寧人父榮以長女名善圖者爲女官得授爲錦衣百戶后其第三女也諱善祥永樂十五年七月册封爲皇太孫妃二十二年十月册封爲皇太子妃洪熙元年七月册立爲皇后父榮以女貴進都督后沈靜柔樸然善病時貴妃孫氏有寵后久未有子息宣德二年十一月孫氏生皇第一子上乃召張輔蹇義夏原吉楊士奇楊榮諭之曰有一大事與卿等議誠出不得已然朕亦決矣朕年三十未有子中宮屢產而不育日者言中宮祿命弗宜男今幸貴妃生子必立爲嗣母以子貴古亦有之但今中宮如何處置因舉后過失數事榮曰舉此廢之可也上曰古人廢后有故事否義曰宋仁宗降郭后爲仙姑上問輔士奇原吉爾三人奚獨無言士奇對曰古人有言臣於帝后猶子事父母也今中宮母也羣臣子也子豈當議母榮曰上命廢之豈羣臣所得專士奇曰固出上命亦須處之得當上問輔原吉皆對曰酌當乃可原吉曰此大事容臣等退議以聞上曰此舉得不貽外議否義曰古有之何得議士奇曰宋仁宗廢郭后孔道輔范仲淹率臺諫十數人入諫被黜至今史册爲貶何謂無議既退榮曰上所已定爭之何益原吉曰只宜議處中宮士奇曰今日所聞中宮過失皆非當廢之罪議未決明日上召士奇榮至西角門問議云何榮於懷中出一紙列后過失二十事皆極詆誣曰卽此可廢上覽二三事遽輒然曰渠曷嘗有此宗廟無神靈耶遂袖之顧士奇曰爾何言對曰漢光武廢后詔曰異常之事非國休福宋仁宗廢后後來甚悔願陛下慎重之上不擇而罷他日又召問五人輔原吉言陛下慎重必歸得當士奇曰皇太

后在上。必有聖意。上曰。太后令與卿等議。是日議未決。一日獨召士奇曰。若何爲得當。士奇請問中宮與貴妃相處何如。上曰。和睦。但朕重皇子。故欲正其母以別之。中宮今病。貴妃朝暮視。慰藉甚殷。士奇曰。惟乘有疾。導之辭讓閒處。則進退以禮。上曰。此說可行。蓋兩人德好佳能謙。今導之讓必從。貴妃未必肯受。朕試之。數日召士奇曰。卿言甚善。中宮果欣然辭。貴妃不受。太后尙未聽辭。中宮堅辭。士奇對曰。若此則願陛下待兩宮兩家均一。昔宋仁宗廢郭后而待郭氏恩禮加厚。上曰。然。吾不食言。已乃廢后。曰。閒立別宮。冊孫氏爲皇后。三年二月。賜后號靜慈仙師。孝誠皇太后愛其賢。且憫其無譽。仍命居清寧宮。進膳如后儀。每燕會必命居孫后之右。姑婦恩禮甚篤。宣宗晚年每悔。嘆曰。此朕少年事。欲復后位號不果。宣宗崩。及正統壬戌。孝誠皇后崩。凡六宮有位號者皆得祭奠。后不敢與孫后列。乃同諸妃嬪祭奠。孫后見而意譴之。后因痛哭不已。八年冬十月。后崩。孫后命廷臣議喪事。時士奇在告。諸臣就問之。士奇曰。當以后禮斂葬景陵。問者曰。此非中宮意。士奇不答。惟曰。後世罵名。遂上議以嬪禮葬之。金山之原。天順六年。孫后崩。皇后錢氏爲英宗言。胡后賢而無罪。廢爲仙師。其死也。人畏太后。殮葬皆不如禮。勸上復其位號。英宗召李賢問之。賢對曰。陛下此念。天地鬼神實臨之。然臣愚意。須以陵寢享殿神主皆更如奉先殿式。庶幾稱陛下之明孝。七年閏七月。加諡曰恭讓誠順康穆靜慈章皇后。不祔廟。

別立后孫氏。山東鄒平人。父忠。爲永城縣主簿。后其第四女也。有美色。彭城侯麒選媵。孝誠皇后於宮。宣德元年。冊封爲貴妃。故事。皇后金冊金寶。皇貴妃而下有冊無寶。獨后有寵。得請於皇太后。制金寶賜之。

遂爲定例。二年十一月，生英宗皇帝。三年二月，廢皇后胡氏。册立后爲皇后。父忠以女貴，封會昌伯。英宗即位，尊爲皇太后。景皇帝即位，尊爲上聖皇太后。天順二年春正月，郊祀後，上召李賢諭之曰：「朕居南宮七年，危疑之際，實賴太后保護，罔極之恩，欲報無由，可做前代尊上徽號如何？」賢對曰：「陛下舉此誠聖孝，於是上尊號曰聖烈慈壽皇太后，詔天下明興宮闈，有徽號始於后。六年九月初四日崩，上諡曰孝恭懿憲慈仁莊烈齊天配聖章皇后。祔廟。父忠進封至安國。晉太保。長孫繼宗嗣會昌侯。次四人皆都督。子孫數十人皆爵祿之。」

進稱后吳氏，直隸丹徒人。吳彥名女，生景皇帝。宣德中，册封爲賢妃。景皇帝即位，上尊號曰皇太后。天順元年，復稱爲宣廟皇賢妃。成化中薨。父彥名先官都督，故后兄安封安平伯。天順元年，削其爵。

惠妃趙氏，諡恭懿。

賢妃吳氏，諡榮思。

正統即位八月，追贈皇庶母十位。册文曰：「茲委身而蹈義，隨龍馭以上賓。宜薦徽稱，用彰節行。蓋從葬宮妃也。」

惠妃何氏，爲貴妃，諡端靖。

賢妃趙氏，諡純靜。

惠妃吳氏，諡貞順。

淑妃焦氏，諡莊靜。

敬妃曹氏，諡莊順。

順妃徐氏，諡貞惠。

麗妃袁氏，諡恭定。

恭妃諸氏，諡貞靖。

充妃李氏諡恭順。

成妃何氏諡肅僖。

英宗睿皇帝。

皇后錢氏海州人。中軍都督貴之女。以女貴。追贈安昌伯。初選納爲皇太子妃。正統七年正月十九日。英宗卽位。冊立爲皇后。后事上素恭謹。絕無妒忌。及駕北狩。每夜以哀籲天。倦則臥地。因損一肢。復以哭泣。過傷眇。傾宮中之所有。佐迎駕之費。景皇帝卽位。徙別宮。稱太上皇后。上歸居南宮。恆鬱鬱不自得。后每曲爲慰解之。上復辟。處景皇后極盡妯禮。能申明胡后之冤。以成先帝之善念。天順八年三月。憲宗卽位。其明日議上兩宮徽號。太監夏時倡言。后久病廢。宜止尊所生母周貴妃爲皇太后。李賢曰。天子新卽位。四海顛望。宜遵遺詔。庶幾順天理。合人心。景泰初事例不可法。彭時曰。朝廷所以服天下。但正綱常。若止尊所生。恐損聖德。夏時曰。待請命。少頃出傳周貴妃旨曰。子爲皇帝。母當爲太后。豈有無子而稱太后者。宣德時有例。彭時曰。今日事與宣德殊。昔胡后讓位。退居別宮。故正統初不加尊號。今名分固在。豈得有疑議。若阿諛順從。是萬世罪人也。所以不敢不極言者。爲欲全皇上聖德耳。若推大孝之心。則兩宮同尊爲宜。衆然之時。再入請命。良久出曰。得上再三勸諭。蒙俞允矣。將草詔。李賢彭時復議曰。同尊固好。然正宮須例加二字。不然無分別。於是尊后爲慈懿皇太后。翼日頒詔天下。是日與議者懼忤。內旨有後患。皆緘嘿不言。惟李賢開端而彭時極勇。其後賴上孝事兩宮如一。故能成大禮焉。成化四年六月甲寅崩。丙辰。詔禮部及府部詹翰科道議陵寢。初。天順末營裕陵。彭時與同官議曰。玄堂宜從權作三位。庶後日兩

全其美。李賢然之。上曰。所言固有理。但祖宗來制度。只雙穴。未可輕爲。仍令廷議。惟太監夏時極言不可。事遂寢。至是崩。廷議皆囁嚅不敢對。彭時劉健商輅至。彭時首曰。梓宮當合葬裕陵。神主當祔廟。姚夔曰。此是正禮。諸內臣惟懷恩以爲正。夏時曰。不可。慈懿無子且有疾。豈宜入山陵。第比胡后例可。彭時爭曰。太后母儀天下。垂三十年。臣子豈忍別議。一或乖禮。奚示天下。內臣心不然。遂散。彭時退。謂廷臣曰。此事當力爭。不可使上有失德。越日上御文華後殿。召輔臣至。問曰。慈懿禮將如何。彭時對曰。自有正禮。上曰。朕豈不知。但與皇太后有礙。彭時曰。皇上孝事兩宮。聖德彰著。今合葬裕陵。大孝乃全。商輅曰。外議洶洶。若不祔葬。則人心不服。如聖德何。劉健曰。孝者從義不從令。上默然良久曰。合葬固是孝。若因此失聖母心。豈得爲孝。彭時曰。皇上大孝。當以先帝之心爲心。先帝待慈懿始終如一。今安諸左。虛其右。則兩全庶不失先帝意。上頷之。遂退。明日。諸大臣奏言。仰惟大行慈懿皇太后作配英廟。正位中宮。及皇上嗣位。震極。已伸尊稱。蓋先帝全夫婦大倫。皇上全母子深恩。天下後世。無容議矣。今壽終之後。宜祔梓宮於裕陵。祔神主於太廟。此不易之理。亦先帝與皇上之初心也。今聞欲別卜葬地。臣等實切疑懼。竊謂皇上所以如此者。必以爲皇太后萬年後計。陵廟同尊。配嫌二后。臣等考之前代。一帝二后。並祔陵廟者。未易悉數。漢文帝尊所生母薄太后。然於其嫡母呂太后。雖得罪宗社。尚與父高帝並葬長陵。無所改易。宋仁宗追尊生母李宸妃爲太后。而其嫡母章獻劉太后。雖無子。尚仍與父眞宗同祭太廟。無所嫌忌。皇上於慈懿。昔盡養。今盡哀。雖文帝仁宗無以加矣。若於禮稍有未合。則致貽後譏。有掩前美。況千秋萬年之後。今皇

太后與慈懿同在陵廟。允不相妨。且愈見二太后生存則雍容無間。永久則竝美無窮。此臣等所深願也。上命集廷臣再議以聞。皆云彭時言是。內批猶云別擇葬地。於是百官伏文華門號哭不起。聲徹於內。上旨諭羣臣且退。衆叩首曰。不得不敢退。商輅劉健進曰。人心如此。天理所在。惟皇上俯順輿情。周太后及上亦爲之動。乃降旨云。卿等所言皆合典禮。母后聖慈。開諭蒙允行。衆皆呼萬歲退。遂合葬裕陵祔廟。上諡曰孝莊獻穆宏惠顯仁恭天欽聖睿皇后。

進稱后周氏昌平人。父能以女貴。追贈慶雲伯。后於正統十二年十月。生憲宗皇帝及崇王見澤。天順元年四月十三日。冊封爲皇貴妃。八年。憲宗卽位。尊爲皇太后。成化元年二月。皇太后誕日。令僧道設建齋醮。禮部尙書姚夔會大臣斂財辦香。相率詣寺觀祈福。給事中張寧上言。皇上將欲表揚孝道。慰悅聖慈。無所不用其極。人臣但當和衷敬德。仰贊聖孝。以綏懿祉。不當斂財宣於木偶之前。導上醮祭。以壞風教。上曰。所言有理。今後齋醮百官不必行香。二十三年四月。加上尊號曰聖慈仁壽皇太后。孝宗卽位。十月。加上太皇太后號如故。宏治十七年三月一日崩。初。成化戊子。孝莊錢皇后崩。彭時等議合葬裕陵。時已有周太后他日祔葬祔廟之說。至是后崩。隨上諡同孝莊之制。既而大學士劉健等奏稱。成化初事有難處。臣子姑爲委曲將順之意。今當再議。於是詔禮部會廷臣詳議以聞。上御便殿。召健等出示裕陵圖。言孝莊玄堂與英廟皇堂相去數丈。間隔不通。因曰。此大非禮。當釐正。健等奏曰。此事臣等初不知。今欲釐正。仰見皇上聖孝盛德。高出千古。臣等不勝忻服。上曰。卿等如何得知。此皆內臣所爲。內臣有幾人。識道

理者。昨見成化間彭時姚夔奏章。先朝大臣悉忠厚爲國。因論祔廟禮。健等奏曰。先年奏議已定。孝莊居左。今大行太皇太后居右。合祔裕陵。配享英廟。臣等不敢輕議。其實漢以前。惟一帝一后。唐始有二后。宋亦有三后。竝祔者。上曰。二后已非。況夫三后。謝遷對曰。彼三后一乃繼立。一乃所生母也。上曰。事須師古。末世鄙褻不足學。宗廟事關係綱常至重。豈可毫髮僭差。太皇太后鞠育朕躬。恩德深重。朕何敢忘。但一人之私情耳。錢太后乃皇祖母。立正后。我朝祖宗以來。惟一帝一后。今若竝祔。乃從朕壞起。恐後來雜亂無紀極。且孝穆太后。朕生身母。止尊稱爲皇太后。別祀於奉慈殿。今仁壽宮前殿儘寬。意欲奉太皇太后於此。他日奉孝穆太后於後殿。歲時祭享。一如太廟。李東陽曰。皇上言及孝穆太后。尤見大公至正之心。可以服天下矣。上曰。此事最難。行之則理有未安。不行則違先帝意。又違羣議。違議猶可。奈先帝何。朕嘗思夜不能寐。先帝固重。而祖宗之制尤重。其詳確議之。時吳寬以禮部尙書掌詹事府。有人望。衆推寬。寬對衆曰。魯頌姜嫄闕宮。春秋考仲子之宮。皆爲別廟。自漢唐來亦然。至宋始有竝祔祭。其禮已謬。然皆諸帝繼室。生前作配。非後世子孫追尊之比。惟宋李宸妃沒。仁宗悲慟。乃追尊祔祭。雖至情實爲非禮。不足法。衆從之。議上。上喜曰。大義深恩。竝行不悖。祀之奉慈殿。稱孝肅太皇太后殿。在奉先殿西。上初建祀。孝穆至是展其制。中奉孝肅。左奉孝穆。於是中外翕然稱合禮云。先上諡曰。孝肅貞順康懿光烈輔天承聖太皇太后。嘉靖時。奉主於陵殿。止稱皇后。父能晉太傅。加寧國公。謚榮靖。后弟壽。嗣慶雲侯。彧封長寧伯。尋加世襲。壽子璋。瑾。瓚。瑛。彧子瑋。瑨。皆授錦衣衛指揮。

德妃魏氏都指揮忠女諡恭莊端惠生徽王見沛

宸妃萬氏千戶聚女諡靖莊安穆生德王見潏皇第三子見清吉王見浚忻王見治

惠妃王氏諡端靜安和生許王見瀆

淑妃高氏諡莊靜安榮生秀王見澍

順妃樊氏諡恭和安靜

賢妃王氏諡昭肅靖端

麗妃劉氏諡安和榮靖

和妃宮氏諡恭安

麗妃張氏諡昭順

莊妃趙氏諡恭靖

和妃梁氏諡恭惠

麗妃陳氏諡惠和

靜妃岳氏諡和惠

景皇帝

安妃楊氏諡莊僖端肅
敬妃劉氏諡貞順懿恭
昭妃武氏諡端莊
恭妃劉氏諡昭靜
賢妃李氏諡昭懿
成妃張氏諡恭僖
充妃余氏諡僖恪
貞妃王氏諡榮靖

廢后汪氏兵馬指揮瑛女京師人正統十年册封爲郕王妃性秉淑哲女行追古人孫太后雅重之侍景

帝執中饋甚謹。處事堅確。不少貶徇。景泰卽位。廢憲宗爲沂王。欲立其長子。見濟爲皇太子。后執不可。因曰。恐礙監國之名。景帝不從。竟立懷愍。汪氏不懌。三年五月。遂廢居別宮。甲戌。禮部郎中章綸上弭災疏。首請復后於中宮。以正母儀。忤旨。逮榜掠幾死。英宗復辟。仍復稱爲郕王妃。景帝崩。英宗以其妃唐氏等殉。議及后。李賢奏曰。汪氏雖立爲皇后。卽遭幽廢。若令之殉。情所不堪。況兩幼女無依。尤可矜憫。上惻然曰。卿言是。時憲宗復青宮。意感后曰。當時事我固詳知。嬪嬙信聖哲。所以禮之甚恭。汪后與太皇太后尤相得。旣而憲宗言。嬪在此固好。但居處不相宜。乃言於上。遷之外王府。上以問李賢。賢對曰。於禮甚愜。但用度不可缺。上曰。更欲加厚。令原侍宮人皆隨。選老成中官數人備使令。旣出居。太皇太后每於歲節召入。敍家人禮甚歡。后出時。憲宗爲護持。一宮所有得取。將故所蓄厚。英宗一日入內帑。問太監劉桓曰。記得有一玉玲瓏繫腰。今何在。桓言。景帝取。當在汪所。上遣使再三索。皆對以無。俄有言后出攜甚夥者。英宗命檢取。得銀二十萬。他物稱是。故所蓄自此索然。正德元年薨。壽八十。合葬金山陵。二年。追諡曰貞惠。安和景皇后。祖泉。累進左都督。父瑛。右都督。尋爲錦衣指揮。

別立後廢后。杭氏。懷愍太子見濟生母。景泰三年。廢汪后。册立爲皇后。天順元年。廢爲庶人。殉景帝。賢妃李氏。先景帝薨。諡恭靖。

紀一

宮闈紀二

憲宗純皇帝

廢后吳氏京師人。父俊以女貴進都督同知。天順八年秋七月册立爲皇后。憲宗居東宮。先有擅寵者。后既立不相能。后摘其咎杖責之。上怒。於是年九月乃下詔曰。朕爲皇后共承宗廟。表正六宮。母儀天下。非德性醇淑禮儀閒習者。不足以當之。先帝臨御之日。爲朕簡求賢淑。已定王氏。育於別宮。以待期。太監牛玉朦臚奏請。將選退吳氏於母后前。復選册立禮成之後。朕觀舉動輕浮。禮度粗率。德不稱位。因察其實。始知非預定者。用是不得已。請命母后。廢吳氏。退處別宮。閒住。牛玉本當處決。姑念在先帝時曾效微勞。免死。發南京孝陵種菜。吳俊及吳雄發山東登州衛充軍。後孝宗生於西宮。遭萬妃之難。后保抱惟謹。得免於禍。孝宗卽位。念后撫育恩。命宮中進膳服器。皆如母后禮。逼於孝貞皇太后。不能復號諡。乃官其姪。經爲錦衣衛千戶。

別立后王氏。后中軍都督王鎮女。先入宮者久。天順八年七月。廢吳后。十月。册立爲皇后。詔曰。帝王爲始。

莫先正家。正家之道，必自大婚始。先帝臨御之日，嘗爲朕簡求淑女，已定王氏待期矣。迨憑几顧命，猶以婚姻責成有司。朕於時執禮彌甚，不敢遽從。矧敢與知其事，不意朦朧立吳氏。因察非預定之人，夫既違先帝之命以成禮，而乃違命立非其人，何以表宮闈相宗祀。與言及此，內疚於心。已請命母后廢黜吳氏，自念與其非人，寧虛厥位。而在廷文武羣臣，再三陳請，謂中宮不可久虛，義正詞切，朕難固拒。今勉從所請，仍遵先帝成命，冊立王氏爲皇后。於戲！自古人倫有常有變，變而得正，何憚弗爲。是舉匪獨正家，恐上負先帝選授之意。於心不安云。孝宗卽位，加號曰皇太后。武宗卽位，加尊爲太皇太后。正德五年二月，加號曰慈聖康壽太皇太后。十三年戊寅春二月崩，合葬茂陵。上諡曰孝貞莊懿恭靖仁慈欽天輔聖純皇后。祔廟。父鎮，追贈阜國公。諡康穆。兄源，封瑞安伯。子世券，尋進侯。加太傅，贈太師。諡榮靖。弟清，封崇善伯。濬，封安仁伯。源子橋，嗣瑞安伯。

迨稱后紀氏，諱妙善。后入宮最幼，自謂爲廣西賀縣人。父福斌，母唐氏。家姓紀而不能辨親族。太監郭鏞聞而識之。憲宗卽位，與萬貴妃同處昭德宮。號御妻。成化己丑，上幸昭德宮。幸后，遂有娠。萬貴妃知而恚之。百方苦楚，胎不墜。上命出居安樂堂，報病瘡。明年庚寅秋七月己卯，生孝宗皇帝。移居西宮。廢后吳氏善保之后乳少，太監張敏使女侍以米餌哺之，不使貴妃知。以未奉命，不敢翦胎髮。已而悼恭太子祐極薨，上方以國本爲憂，漸傳西宮有一皇子，上心念之，然爲萬貴妃所忌。敏因厚結萬妃，主宮宦段英乘間言之。萬妃驚曰：何不令我知。遂具服進賀。上卽召見，天性感通，相持泣下。從容出語，矩度不凡。上撫之大

喜孝貞皇后恩育如己出乃召后厚賜之立爲妃徙永壽宮已而貴妃觴后遂有疾是時輔臣商輅奏言外議皆謂皇子之母因病別居久不得見揆之人情誠爲未順請令就近居住俾皇子便於接見庶遂母子至情上是之尋后大漸上命太監黃賜等將院使方賢入治后不瘳遂於成化十一年六月二十八日崩一時藉藉咸不能無疑於鳩云斂葬如禮擇地金山諡曰恭恪莊僖淑妃孝宗卽位進諡孝穆慈惠恭恪莊僖崇天承聖皇太后嘉靖時奉主陵廟止稱皇后遷葬茂陵詔議享禮時周宏謨等上言周之姜姬爲帝馨次妃后稷之母故周禮有享先妣樂舞蓋指姜姬而魯頌闕宮之詩特見其名此別廟以祀之正也至宋元德懿德二后遂有奉慈之建上是之乃建奉慈殿於奉先殿左近奉安神主一歲五享時薦忌辰一如奉先儀時縣丞徐頊疏請究皇妣薨逝之由以復不共戴天之讐當時診視太醫院使等官俱宜逮治下禮部議請拘萬氏戚屬昔日出入宮闈者究問萬安劉吉皆通好萬氏懼甚私謂尹直曰我與萬家久不往來直謂之曰事宜寬處大獄株連豈先帝之意安等悅乃婉奏以爲浮言已之惟訪求親屬在廣西者未幾有紀貴等冒后弟已而有言后實姓李遂有韋父成等冒李氏前後皆榮寵後相繼敗露三年八月下廷臣議咸謂太后宗親久經兵燹求之失真請倣高皇帝祀徐王事立廟廣西有司致祭上曰太后早棄朕躬朕念及此戚然如割初謂宗親尙可訪求今卿等旣云歲久無從物色如奏加封立廟以仰慰聖母在天之靈皇祖旣有故事奚能違庚戌九月封后父爲慶元伯母伯夫人建祠於桂林城南歲時祭享焉

進稱后邵氏。父林。以女貴。追贈昌化伯。其先杭州人。成化十二年。冊封爲宸妃。二十三年。冊封爲貴妃。生興王祐杭。岐王祐楡。雍王祐標。世宗入繼大統。卽位。進稱皇太后。嘉靖元年三月。上徽號曰壽安皇太后。是年十一月十八日崩。葬金山。後遷祔茂陵。不祔廟。祀奉慈殿。二年正月。上諡曰孝惠康肅溫仁懿順協天祐聖太皇太后。尋奉主陵廟。止稱皇后。并前孝肅不用睿字。孝穆及后皆不用純字。以別嫡庶。兄喜。封昌化伯。傳子蕙。無子。取支子杰。襲封。姪輩葵、茂、萱、輔。俱爲錦衣官。

賢妃柏氏。諡端順。生皇第一子。

敬妃王氏。諡恭懿。生皇第十子。

德妃張氏。諡莊懿。生益王祐楨。衡王祐楨。汝王祐棖。

端妃潘氏。諡康順。生榮王祐樞。

恭妃楊氏。諡榮惠。生涇王祐檣。申王祐楷。

安妃姚氏。諡端懿。生壽王祐楛。

順妃王氏。諡莊靜。

榮妃唐氏。諡靖僖。

夫人韓氏。諡恭順。

貴妃萬氏。山東諸城人。父貴。爲縣吏。配徙霸州。生妃。四歲入掖庭。侍上於東宮。性譎智善媚。上卽位。遂

專寵常戎服男飾。隨上遊幸。皇后吳氏之廢實由於妃。及皇后王氏正位中宮。每優容之。冊封爲貴妃。益黠敏。堅得上心。六宮希得進御。生悼恭太子祐極。未期而薨。妃亦自是不復娠。父貴。授都督。兄通。授都指揮使。其妻王氏遂出入掖庭。弟喜達皆授官。權寵震耀。學士萬安聯爲同宗。與劉吉皆附之。凡朝士無恥希進者。蝟集其家門。佞倖如錢能。覃勤輩。皆科民財。擅作威福。攫取珍寶以悅妃。孝穆以妃故居西內者數年。成化四年秋。彗星屢見。學士彭時上疏云。外廷大政。固所當先。而宮中根本。亦爲至急。凡女子中年無子。雖有所生。亦多不育。諺云。子出多母。今宮嬪數多。宜生者衆。然數年未聞焉。必愛有所專。過生育之期故也。伏望舍其舊而新。是圖務正名分。均恩愛。以廣繼嗣。爲宗社大計。則人心安而災異息矣。姚夔亦以爲言。上皆優詔答之。曰。內事朕自有處。尋六科給事中魏元等言。竊見比來災異疊見。近日彗星光拂台垣。人心恟懼。皆陰盛陽微之證也。臣聞君之與后。猶天之與地。可不得而參貳者。外間傳聞。陛下於宮中。或有參貳之者。大臣嘗有進言。陛下謂朕自有處。屏息傾聽。將及半年。而昭德宮進膳不減。中宮不增。宮牆雖深。而視聽甚近。衽席雖微。而懸象最著。陛下震宮尙虛。豈可以宗廟社稷之大計。一付於愛專情一之所。而不求子孫之多。以固國本安民心哉。伏願思祖宗傳體之重。明伉儷之義。嚴嫡庶之分。使陰陽歸其分。則宗社萬年之基。將在於此。御史康永詔等亦以爲言。上覽之。曰。所言有理。待朕自理之。二十二年春正月辛亥。上郊慶成宴罷。上還宮。忽報薨。上震悼。葬天壽山西。南弘治初。言者藉藉不已。欲追廢妃號籍其家。遭孝宗仁厚。每曰。先帝之所愛也。不忍拂先帝意。遂得

保全云。

孝宗敬皇帝。

皇后張氏。興濟人。父巒。以女貴。封壽寧侯。追封太保昌國公。成化二十三年二月。冊立爲皇太子妃。孝宗卽位。是年十月。冊立爲皇后。后柔順端婉。上平生無別幸。與后相得甚。權后弟鶴齡。嗣父壽寧侯。進昌國公。延齡。封建昌伯。勢傾中外。有奏其侵民業爲莊田者。上命刑部侍郎屠勳等。司禮太監蕭敬。勘之。俱秉公罪。其家奴敬復。命內庭適上。與后膳。后聞怒曰。外邊官人無狀。猶可。汝狗奴亦若是耶。上亦佯怒。詈后。意解退。上呼敬曰。適所言非本意。欲解后憤耳。汝得無泄此語耶。恐外臣聞。驚破膽也。敬力辯。未嘗聞於外。上乃遣人各以白金五十兩。賞勘官。以旌其直。但曰。偶后戲言。恐爾等驚怖。以此壓驚。上與后篤伉儷誼。不置。妃嬪繼體未立。禮科給事中韓鼎。上言。古者天子一娶十二女。以廣儲嗣。今舍是弗圖。乃徒建設齋醮。將以徼福於神。不已惑乎。上笑置之。后於四年九月二十四日生。武宗皇帝。上大喜。恩詔有加。復生蔚王厚煒。孝宗崩。武宗卽位。上尊號曰慈壽皇太后。奉居仁壽宮。世宗卽位。上冊寶尊號曰昭聖慈壽皇太后。嘉靖元年四月。傳昭聖皇太后。誥諭禮部。選婚。八月。傳昭聖懿旨。大婚。選到淑女。宜進宮簡選。先是內官傳諭內閣。大婚事。欲從壽安皇太后傳旨。大學士楊廷和疏奏。極言不可。去年諭部。及今春宣選。皆由昭聖皇太后誥諭。在廷之臣。與天下之人。皆知之。今乃改從壽安。事不歸一。禮不由正。何以示中外。乃傳奉后旨云。三年二月。后聖旦。忽傳旨。免命婦賀。翰林修撰舒芬言。昭聖皇太后聖誕之日。乃陛下愛日。

承歡之日。而諸命婦朝賀。則又得天下之歡心。以事其親者也。遽傳免賀。恐疑人心。乞別降綸音。以彰至孝。上以芬出位。妄言奪俸。御史朱制馬明衡亦以爲言。皇上孝事兩宮如一。今與獻太后聖誕。旣以朝賀。昭聖誕辰。乃聞報罷。禮數頓殊。關係不小。昭聖手攜神器。親授陛下。母子之恩。天日昭鑒。今日之禮。母后雖或固辭。皇上尤宜敦請。以明大孝。明衡言。暫免朝賀。在平時則可。今當議禮紛更之時。人心匆懼之日。忽聞報罷。安得無疑。使此旨出自太后。必有因事拂抑之懷。今昔存歿之感。若出自聖意。則母子至情。有隆無已。可以聖母嘉節。輟重禮哉。上怒。命逮訊侍郎何孟春等。疏救不報。御史陳逅等。員外林惟聰。上言。陛下以宮闈之故。罪及言官。本生正統之義。又不能無所軒輊。忠臣義士。將杜口結舌。不敢復議天下事。上怒其煩瀆。并逮訊大學士蔣冕。切諫。宜追寢前命。不聽。遂移疾乞罷。許之。四月。加號曰昭聖康惠慈壽皇太后。徙居慈慶宮。一應供帳。悉取給內府。二十年八月八日崩。上諡曰孝康靖肅莊慈哲懿翊天贊聖敬皇后。合葬泰陵。祔廟。

夫人邵氏。諡敬順。

夫人周氏。諡安和。

夫人劉氏。諡安順。

夫人孟氏。諡榮順。

夫人項氏。諡榮善。

睿宗獻皇帝卽興王。

進稱后。蔣氏。其先徐州人。生於京師。父敷。以女貴。封玉田伯。弘治五年。冊爲興王妃。生世宗皇帝及岳王。

厚熙。世宗入卽位。后留興邸。世宗諭禮部曰。朕入繼大統。雖未敢顧私恩。然母妃遠在藩府。朕心實切戀慕。可敕遣官奉迎。并宮眷內外員役。咸取來京。於是遣太監秦文等捧箋詣安陸奉迎。初。上在途。每思輒泣。故卽位三日。遂有是命。有司請以王妃儀仗迎。上命錦衣治后駕。八月。后至通州。聞朝議曰。安得以我子爲人之子乎。怒不肯入。上涕泣奏慈壽皇太后。願辭位奉母歸藩。羣臣惶怖。遂用皇太后禮。嘉靖元年三月。上尊號曰興國太后。詔天下。太常丞周璧奉詔南京。語張璁曰。詔雖下。聖心未愜也。三年。加章聖皇太后。七年。加號曰聖母章聖慈仁皇太后。九年八月。詔諭刊聖母章聖皇太后女訓。首則獻皇帝序。次以后自序爲目。凡十有二。張璁請世宗親灑宸翰序之。卷末。上從之。禮部請以女訓證以高皇后事實。命翰林撰成直解刊布。而桂萼亦因女訓一書。上推行之序。行之宮中者三事。曰胎教之儀。諸母之擇子師之。慎行之天下者三事。曰女訓之學。矇瞽之教。媒氏之正。上覽之喜。下部議。言宮中三事宜書御屏。爲宮闈先事之備。其行之天下者。宜令天下崇陰教。敦女習。禁矇瞽記淫詞。止宣女訓。婚姻一遵祖訓。嚴禁指腹割襟之弊。以成皇太后陰教之治。於是上親製序刊行之。十五年閏十二月。加號章聖慈仁康靜貞壽皇太后。十七年十二月崩。上謚曰慈孝貞順仁敬誠一安天誕聖獻皇后。合葬顯陵。祔廟。父歿無子。以輪爲後。嗣伯贈太保。謚榮僖。子榮襲伯。華爲都督。世守顯陵。

淑妃王氏。謚溫靜。

夫人胡氏。謚崇善。

夫人姚氏。謚崇敬。

武宗毅皇帝

皇后夏氏。南京上元人。父儒。以女貴。封慶陽伯。正德元年八月戊午。冊立爲皇后。嘉靖元年正月。詔曰。皇嫂皇后表正宮闈。母儀有年。名稱宜異。上尊號曰莊肅皇后。十四年正月崩。禮官以諡請。上令集議。大學士張孚敬議。止宜二字。四字。禮部尙書夏言。大學士李時議。二字。四字。太少。須得八字。都御史王廷相。吏部左侍郎霍韜等議。列聖元后諡皆十二字。不當稍異。世宗不悅曰。事嫂如事母。人道有此乎。兩宮在上。非朕自尊。復命會議。成國公鳳等。吏部尙書汪鏐等議。莊肅皇后。大行。固上同於列后。大分則上壓於兩宮。止宜二字。上言皇嫂諡用六字。乃定曰。孝靜莊惠安肅毅皇后。數旣用半。且陰六又合也。十五年四月。上詣天壽山。夏言等侍。言及后諡。以爲用全諡。庶合典禮。乃上諡曰。孝靜莊惠安肅溫成順天偕聖毅皇后。合葬康陵。祔廟。

德妃吳氏。諡淑惠。

賢妃沈氏。諡榮淑。

世宗肅皇帝。

皇后陳氏。直隸元城人。父生員萬言。以女貴。封泰和伯。嘉靖元年九月。冊立爲皇后。七年十月。后不豫。泰和伯萬言乞容。妻冀氏入宮視之。上以疏示輔臣曰。朕惟外戚。祖法不宜入宮禁。多假言視疾。窺伺朝廷。在彼爲得計。在君爲墮計。皇后作配。朕躬良醫妙藥。豈無治具。何謂不見親人。不能痊愈。朕不敢徇私。縱外戚入宮。蓋不如是。恐無以範後世。旣而后崩。時七年十月。諡曰悼靈。葬禋兒峪。禮部言。悼靈皇后正位。

中宮。上佐宗祀者七年。禮宜祔享太廟。但今九廟已備。考唐宋故事。太廟未有本室。別廟祀之。禮喪服小記。婦祔於祖姑。祖姑三人則祔於親者。夫孝惠於悼靈則祖姑也。宜祔孝惠側。制曰可。尋孝惠主遷陵殿。禮官擬遷后主於奉先殿旁室。今殿無旁室。惟殿盡西一室。空虛清闕。宜遷奉。制曰可。十五年九月。禮部尙書夏言言。先皇后稱悼靈。考之諡法。在悼雖合年中早夭之義。而靈義有六類。非大美之稱。皇后奉主宗祀。贊理內治。已及七年。懿行純德。無可疵議。揆之前諡。未稱表行之實。宜更定褒稱。垂示後世。上是之。乃改諡曰孝潔。穆宗卽位元年九月。加上諡曰孝潔恭懿慈睿安莊相天翊聖肅皇后。遷葬永陵。祔廟。繼立復廢后張氏。父楫。京師人。嘉靖元年。冊封爲順妃。及孝潔崩。上與張璉議立中宮事。璉曰。天子有后。所以共承宗廟。不宜久虛。上曰。君子所配。必求淑女。而君長之配。尤宜慎擇。前者初婚。皆宮中久惡之婦。所專主。日夜言之。聖母未之察耳。今復與此事。則不如不繼。朕所愛者賢德。非有偏寵尙色之私。卿等其同議之。遂立后。十二年。廢居別宮。十五年薨。十九年。改曰繼后。葬金山。

別立后方氏。江西人。父銳。以女貴。封安平伯。嘉靖十年。冊封爲德嬪。十二年。張后廢。十三年正月。諭禮臣曰。羣臣屢請立后。惟德嬪方氏。性資端慎。名冠後宮。允副朕懷。未嘗少怠。宜立爲皇后。詔書言始配以疾而崩。繼立作孽而廢。矧歲相祀宗廟。不可無人。而左右承養慈顏。豈宜少后。用是祇告於天地。請命於宗祖。白於聖母。立德嬪方氏爲皇后。贊朕內職。母儀萬方。二十一年。有宮婢謀逆之變。后聞。中夜倉卒曳裾馳至救上。上得無恙。感之甚篤。二十六年十一月崩。上卽日發喪。諭禮部曰。皇后比救朕危。奉天濟難。冀

同洪眷相朕始終不意遽逝痛切朕情其以元后禮喪之諡曰孝烈先入永陵玄宮。上自是不復立后。二十八年。后大祥。詔曰。孝烈皇后淑德懿行。久正中宮。比緣內難。救朕於危。厥功大焉。永懷翊衛之忠。宜篤推崇之典。宜奉祧仁宗。升祔后主。今且藏主皇祧之側。每遇祭。居本次。止設位。儀品祝不必及。二十九年十一月壬寅。遂祧仁宗。昭皇帝。升祔后主於太廟第九室。穆宗卽位。加諡曰孝烈端慎敏惠恭誠祗天衛聖皇后。不用肅字。遷主祀別殿。

追稱后杜氏。大興人。父林。以女貴。封慶都伯。嘉靖十年。册后爲康嬪。十六年正月二十三日。生穆宗皇帝。上諭廷臣曰。康嬪杜氏。側中宮。以侍朕。其贊勤於宗祀。宜膺榮稱。其進封爲康妃。三十三年薨。諡榮淑。葬金山。穆宗卽位。進諡曰孝恪淵純慈懿恭順贊天開聖皇太后。遷祔永陵。命修龍霽殿專祀之。

皇貴妃閻氏。諡榮安惠順端僖。生哀沖太子載基。

皇貴妃王氏。諡端和恭順溫僖。生莊敬太子載壑。

靖妃盧氏。生景王載圳。

肅妃江氏。生穎王載壘。

懿妃趙氏。生威王載壘。

雍妃陳氏。生薊王載墳。

榮嬪趙氏。生均王載壘。

賢妃鄭氏。諡懷榮。

皇貴妃沈氏。諡莊順安榮貞靜。

貴妃萬氏。諡恭肅端順榮靖。

德妃張氏諡榮昭。

淑妃楊氏諡端靖恭惠。

恭妃楊氏諡恭淑安儉。

恭妃文氏諡悼隱。

靜妃陳氏。

麗妃王氏諡恭儉。

貴妃馬氏諡榮安。

宜妃包氏。

恭奉夫人高氏諡端勤。

佑聖夫人徐氏諡勤敬榮安。

永妃徐氏諡端惠。

安妃沈氏。

靖嬪盧氏。

恭嬪江氏。

敬嬪李氏。

順嬪任氏。

榮嬪趙氏。

夫人李氏與敬嬪皆延津李拱臣女次第獻入。

端妃曹氏二十一年十月上幸妃宮妃寐宮婢楊金英等恨上共謀伺上寢熟以經上頸以釵股刺其囊組誤爲死結得不死監宮張金蓮知事不就奔告孝烈皇后后聞變急至上所解組上蘇不能語后以上命太監張佐等捕訊之言金英與薊用藥楊玉香邢翠蓮姚淑翠楊翠英關楊秀劉妙蓮陳菊華王秀蘭親行弑逆寧嬪王氏首謀端妃曹氏時雖不與始亦有謀金蓮事露方告徐秋花鄧金香張春景黃玉蓮皆與同謀詔不分首從悉磔於市籍其家事起倉卒曹妃實不知上後知憫其冤無及已。

穆宗莊皇帝

追贈后李氏京師人。父銘，封德平伯。嘉靖三十二年，冊封爲裕王妃。生憲懷太子翊鉞。三十七年，薨。葬金山。隆慶元年，諡孝懿皇后。神宗卽位，加諡孝懿貞惠順哲恭仁儷天襄聖莊皇后，合葬昭陵祔廟。皇后陳氏，北通州人。父景行。以女貴，封固安伯。嘉靖末，冊封爲裕王繼妃。隆慶元年二月，冊立爲皇后。三年正月，御史詹仰庇巡皇城，遇醫官自禁中出，言皇后遷於別宮，寢疾危困。因上疏言：「臣聞天子有后，所以分理陰教，正位六宮，故宮闈之教修，而後陰陽之理順。今皇后乃先帝所擇，以配陛下爲宗廟社稷之主，四方家人之則。臣聞乃移居別宮，已近一年，睿體抑鬱成病，皇上略不省問，有如一且不可諱。是上累聖德而貽天下萬世之譏。」臣實痛之。嘗竊問大小臣工，亦無不憂慙泣下者。事涉宮禁，不敢明言。願陛下復皇后於中宮，時加慰問。疏入，上曰：「后侍朕多年，無子，近且病，乃移居別宮，冀安適，卻疾耳。」給事中王之垣亦以爲言，謂人情惟暢愜而疾始除，未聞冷寂於別宮而云卻病者。上曰：「后愈卽還矣，無復聒。」穆宗崩，萬曆元年，上寶冊曰仁聖皇太后。六年，加號曰仁聖懿安皇太后。十年，再加康靜。餘如故。二十四年崩。上諡曰孝安貞懿恭純溫惠佐天弘聖太后，祀別殿。

進稱后李氏宛平人。父偉，以女貴，封武清伯。進侯，初爲宮嬪，進貴妃。生神宗皇帝。進皇貴妃。萬曆元年，上寶冊曰慈聖皇太后。六年三月，加宣文。十年，加明肅。二十九年，上冊寶尊號曰慈聖端文明肅貞壽端獻皇太后。三十四年，於端獻下復加恭熹。四十二年二月初九日崩。遺詔：「予以渺躬，獲侍穆廟，恭敬罔懈，幸誕育今皇帝，今踐祚四十餘年，天下頌太平之庶者，或歸功啓佑，予實有榮施焉。尊養兼隆，福履純備，常

以享受太過爲懼。茲者遭疾瀕危。皇帝齋居露禱。顧命數已終。無可奈何。予亦怡然大還。其奚怛化之有。皇帝至孝。哀慟必過。良軫予懷。當順變節哀。靈承帝眷。親賢圖治。永保鴻基。皇太子亦宜及時進學。無忝元良。大小臣工。相與戢睦。共理邦隆。是予惓惓至念。其赦恤事已親。囑皇帝喪儀悉遵典制。特誥。上諡曰孝定貞純。欽仁端肅。弼天祚聖皇太后。合葬昭陵。祀崇先殿。后性慈惻。究心內典。好施予。天下凡名勝地。皆施建梵刹。動費鉅萬。時天下宴然。物力充足。神宗常助施數無算。后復生靖王翊鉞。潞王翊鏐。父偉薨。子誠銘嗣侯。誠錕誠鉅等。皆官都督。

賢妃江氏諡靜和。

恭妃吳氏諡昭榮。

莊妃劉氏諡恭惠。

敬妃齊氏諡昭靜。

英妃許氏諡昭順。

和妃趙氏諡恭靜。

榮妃王氏諡莊僖。

安妃錢氏諡榮悼。

神宗顯皇帝。

皇后王氏。餘姚人。父偉。以女貴。封永年伯。后生於京師。萬曆六年二月十九日。冊立爲皇后。后性端謹聰穎。時神宗靜攝。一切章奏格不下。后封識藏收。每語一事。則隨取所奏上之。毫無錯謬。光宗在東宮。后爲周撫。恩勤備至。事孝定。得其歡心。宮闈有少愆。后調劑之。不使乖。母儀天下四十餘年。可謂備德矣。四十八年四月初六日崩。諡曰孝端皇后。先入定陵玄宮。光宗卽位。上諡曰孝端貞恪莊惠仁明媿天毓聖顯。

皇后祔廟。

追稱后王氏。京師人。初入宮爲才人。於萬曆十年八月十一日生光宗皇帝。進封恭妃。薨。二十九年册立光宗爲皇太子。追封皇貴妃。諡溫肅端靜純懿。光宗卽位。已降敕禮部。比孝恪皇后例祔葬。未及而光宗崩。熹宗卽位。九月十三日。上諡曰孝靖溫懿敬讓貞慈參天胤聖皇太后。遷祔定陵。祀奉慈殿。

皇貴妃鄭氏。諡恭諡。生福王常洵。

皇貴妃李氏。諡恭順榮莊端靜。生瑞王常浩。

德妃許氏。諡莊靖。生惠王常潤。

順妃常氏。諡溫靜。生桂王常瀛。

夫人魏氏。以直諫死。追封賢妃。

榮嬪李氏。

光宗貞皇帝。

皇后郭氏。灤縣人。父維城。以女貴。封博平伯。進侯。兄振明。襲侯。后於萬曆二十九年十月册立爲皇太子妃。薨。諡恭靜。萬曆四十八年九月。進諡恭靖端懿。溫惠元妃。熹宗卽位。十一月三日。上諡曰孝元昭懿哲惠。莊仁合天弼聖。見皇后。遷祔慶陵。祔廟。

追稱后王氏。京師人。初入東宮爲選侍。於萬曆三十三年十一月十四日。生熹宗皇帝於東宮。進才人。薨。諡昭肅恭和章懿才人。光宗卽位。進封皇貴妃。改諡曰溫肅端靜純懿。熹宗卽位。十一月初四日。上諡曰

孝和恭獻溫穆徽慈諸天鞠聖皇太后遷葬慶陵祀奉先殿。

追稱后劉氏海州人初入東宮爲淑女於萬厯庚戌年十二月二十四日生懷宗皇帝於東宮未幾卒葬西山懷宗方在襁褓以神宗命付康妃李氏撫育之至泰昌元年移宮後熹宗復托莊妃李氏看視居勗勤宮及懷宗册封信王進賢妃諡貞靖天啓中懷宗居勗勤宮詢近侍曰西山有位申懿王墳乎對曰有近處有劉娘娘墳知之乎曰知懷宗每密付金錢辦牲楮祭懷宗卽位上諡曰孝純恭懿淑穆莊靜倪天毓聖皇太后遷葬慶陵先是營慶陵於光宗孝元孝和梓宮寶座之外加咫及孝純祔葬尺寸不爽人共異之祀奉先殿封其兄文炳爲新樂侯。

康妃李氏事上於東宮初爲選侍甚見歡愛熹宗幼選侍有保抱功復撫育懷宗委曲周至上卽位諭郭元妃王才人皆封皇后又諭封選侍李氏爲繼后及上不豫召大臣於乾清宮上御煖閣憑几曰選侍李夙保震器重培國本宜速封如是者再禮部尙書孫如游對曰今孝端孝靖兩太后及元妃才人大典俱未竣宜俟四大禮舉後行未晚也既而上崩選侍尙居乾清訛傳欲垂簾廷臣勒令移仁壽殿遂不果封後進康妃。

莊妃李氏性仁厚寡言笑老成慎重宮中多感頌之撫懷宗如親生勗以學問誘掖獎勵不遺餘力後不得意於客氏抑鬱病薨。

懿妃傅氏

選侍趙氏直烈。魏忠賢惡不附己。逼縊殺之。臨死。以上賜物列案上。西向禮佛。從容投繯。聞者冤之。
熹宗哲皇帝。

皇后張氏。祥符人。父儒。學生員國紀。以女貴。封太康伯。天啓元年四月二十七日。冊立爲皇后。熹宗崩。懷宗卽位。於崇禎元年正月二十二日。詔追進徽號曰皇嫂懿安皇后。崇禎十七年三月十九日。都城陷。暴崩。

皇貴妃范氏。生悼懷太子慈煇。

良妃王氏。

容妃任氏。生獻懷太子慈嫻。

淑妃段氏。

裕妃張氏。性直烈。有身逾期不娩。忠賢客氏譖於上曰。詐也。將宮人內官俱逐出。閉於宮。絕飲食數日。天大雨。尙力疾匍匐飲簷霤而薨。上革妃封。焚於淨樂堂。懷宗卽位。始復封。改葬如禮云。

成妃李氏。和婉有容。時范氏尙爲慧妃。失寵。妃侍上寢。爲范乞憐。魏客偵知之。遂矯旨革妃號。如裕妃故事。妃鑒於裕妃。平日於簷瓦僻處多蓄食物。閉宮門半月不死。魏客以爲神。斥爲宮人。遷於乾西所。懷宗卽位。復封號。移慈慶宮。

懷宗端皇帝。

皇后周氏。大興人。父奎。以女貴。封嘉定伯。萬曆末年。冊封爲信王妃。天啓七年。懷宗卽位。於九月二十八日。冊封爲皇后。崇禎二年二月初四日。生皇太子慈烺。詔告天下。五年。生定王慈燁。十七年三月十九日。

都城陷后具禮服暴崩於上前。

皇貴妃田氏生永王慈煜先懷宗薨。

貴妃袁氏都城陷不知所終。

賢妃傅氏都城陷暴薨。

史官贊曰。孝慈作則。貽謀昭垂。隆範六宮。軌雅流化。太微列后。以順承乾。可謂吉協家人。徽揚彤管矣。而孝誠獨弘。濟艱難。久襄光大。尤其奕奕者。歷朝雖四。徙雲林。悉無聞顯。慝愛憎之故。可不畏歟。至國變之際。張周慷慨就義。死君死社稷。有古烈丈夫之風焉。君子覽此。寧弗撫策腹淫淫也。悲夫。

公主附

史官論曰。濬祥未朔。趾角未歌。而遽及乎皇英宵燭之倫。何也。曰。從母也。陰道也。祖系宗盟。有專表也。不然。陰陽淆矣。明制。皇姑曰大長公主。皇姊妹曰長公主。皇女曰公主。俱授金冊。祿二千石。親王女曰郡主。郡王女曰縣主。郡王孫女曰郡君。郡王曾孫女曰縣君。郡王玄孫女曰鄉君。郡主祿八百。以次遞殺之。公主主壻曰駙馬都尉。餘皆儀賓。他瑣屑不書。書公主。公主得諡者惟三人。曰。此亦宮闈事。

仁祖二女。

曹國長公主。下嫁李貞。

太原長公主。下嫁王七一。

高皇帝十六女。

長臨安公主。下嫁李祺。

韓公善長子。

次寧國公主。下嫁梅殷。

三公主。早薨。

四安慶公主。下嫁歐陽倫。

五汝寧公主。下嫁陸賢。

吉安侯仲亨子。

六懷慶公主。下嫁王寧。

七大名公主。下嫁李堅。

八福清公主。下嫁張麟。

九壽春公主。下嫁傅忠。

穎公友德子。

十公主。早薨。

十一南康公主下嫁胡觀。有傳。

十二永嘉公主諡貞懿下嫁郭鎮。武定侯英子。

十三公主早薨。

十四公主早薨。

十五汝陽公主下嫁謝達。

十六寶慶公主下嫁趙輝。

興宗二女。

長江都公主下嫁耿璿。長興侯炳文子。

次公主早薨。

太宗七女。

長永安公主下嫁袁容。

次永平公主下嫁李諲。

三安成公主下嫁宋琥。西寧侯晟子。

四公主下嫁宋英。琥弟。

五公主早薨。

六清河公主下嫁李銘。

七眞定公主下嫁王誼。

仁宗一女。

德安公主早薨諡悼簡。

宣宗二女。

長順德公主下嫁石璟

次常德公主下嫁薛桓

英宗八女

長惠慶公主下嫁周璟

次嘉善公主下嫁王增

三清安公主下嫁蔡震

四崇德公主下嫁楊偉

五廣德公主下嫁樊凱

六隆慶公主下嫁游泰

七宜興公主下嫁馬誠

八嘉祥公主下嫁黃鏞

景帝一女

固安郡主主堅不肯嫁。憲宗勸之曰。妹不嫁固好。但終是不了事。乃強下嫁王憲。禮儀視公主。

憲宗六女

長仁和公主下嫁齊世英

次永康公主下嫁崔元

三德清公主下嫁林岳

四公主早薨

五追封長泰公主

六追封仙遊公主

孝宗四女

長追封長寧公主

次追封善化公主

三福長公主下嫁鄔景和

四永安公主下嫁謝韶

世宗二女。

長成平公主。下嫁李和。

次安泰公主。下嫁許從誠。

穆宗六女。

長公主。下嫁侯拱辰。

次公主。下嫁梁某。

三追封蓬萊公主。

四追封太和公主。

五公主。下嫁萬煒。

六公主。下嫁王昺。

神宗二女。

長榮昌公主。下嫁楊春元。

次公主。下嫁冉興讓。

光宗三女。

五寧德公主。下嫁劉有福。

六遂平公主。下嫁齊贊元。

八樂安公主。下嫁鞏永固。

悼懿公主。早薨。

熹宗三女。

長公主。早薨。

次三亦早薨。

懷宗六女。餘皆早薨。惟存

六公主。至國變後。始下嫁周某。尋薨。

宮闈女官附

洪武初命禮部議宮官女職之制。禮部上言。周制後宮設內官以贊內治。漢設內官一十四等。凡數百人。唐設六局二十四司。官凡一百九十人。女史五十人。皆選良家女充之。上曰。古者所設過多。宜防女寵。垂法將來。乃詳加裁定。遂立六局。局四司。設官及史。

尙宮局。尙宮。二人。掌導引中宮。總四司官屬。凡六尙事物。出納文籍。皆印署之。

司記司。司記。二人。掌印宮內諸司簿書。出入錄目。審而付行。典記。二人。掌記。二人。佐之。女史。六人。

司言司。司言。二人。掌宣傳奉啓之事。典言。二人。掌言。二人。佐之。女史。四人。

司簿司。司簿。二人。掌名籍廩賜之事。典簿。二人。掌簿。二人。佐之。女史。六人。

司闈司。司闈。二人。掌宮闈管鑰之事。典闈。二人。掌闈。二人。佐之。女史。四人。

尙儀局。尙儀。二人。掌禮樂起居。總四司官屬。

司籍司。司籍。二人。掌經籍教授筆札几案之事。典籍。二人。掌籍。二人。佐之。女史。十人。

司樂司。司樂。二。掌率樂人習樂。陳懸進退之事。典樂。二。掌樂人。二。佐之。女史。二。人。

司賓司。司賓。二。掌朝見宴會賞賜之事。典賓。二。掌賓人。二。佐之。女史。二。人。

司贊司。司贊。二。掌朝見宴會贊相之事。典贊。二。掌贊人。二。佐之。女史。二。人。

彤史二人。掌后妃羣妾御於君所。書其日月隸司賓。

尙服局。尙服。二。掌供內服用采章之數。總四司官屬。

司寶司。司寶。二。掌寶璽符契圖籍之事。典寶。二。掌寶人。二。佐之。女史。四。人。

司衣司。司衣。二。掌衣服首飾之事。典衣。二。掌衣人。二。佐之。女史。二。人。

司飾司。司飾。二。掌膏沐巾櫛器玩之事。典飾。二。掌飾人。二。佐之。女史。二。人。

司仗司。司仗。二。掌羽輿仗衛之事。典仗。二。掌仗人。二。佐之。女史。二。人。

尙食局。尙食。二。掌供膳脩品齊之數。總四司官屬。凡進食先嘗之。

司膳司。司膳。四。掌割烹煎和之事。典膳。四。掌膳。四。佐之。女史。四。人。

司醞司。司醞。二。掌酒醴地飯之事。典醞。二。掌醞。二。佐之。女史。二。人。

司藥司。司藥。二。掌醫方藥物之事。典藥。二。掌藥。二。佐之。女史。四。人。

司饔司。司饔。二。掌給宮廩餼薪炭之事。典饔。二。掌饔。二。佐之。女史。四。人。

尙寢局。尙寢。二。掌燕寢進御之次序。總四司官屬。

司設司。司設。二。掌帷帳裯席灑掃張設之事。典設。二。掌設。二。佐之。女史。四。人。

司輿司。司輿。二。掌輿輦繖扇羽儀之事。典輿。二。掌輿。二。佐之。女史。二。人。

司苑司。司苑。二。掌園苑種植之事。典苑。二。掌苑。二。佐之。女史。二。人。

司燈司。司燈。二。掌燈燭膏火之事。典燈。二。掌燈。二。佐之。女史。二。人。

尙功局。尙功。二。掌女紅之程課。總四司官屬。

司製司。司製二人。掌衣裳裁縫製線之事。典製二人。掌製二人。佐之四人。

司珍司。司珍二人。掌金玉寶貨之事。典珍二人。掌珍二人。佐之六人。

司綵司。司綵二人。掌綵繪錦帛之事。典綵二人。掌綵二人。佐之六人。

司計司。司計二人。掌度支衣食柴炭之事。典計二人。掌計二人。佐之四人。

六尚正五品。六司正六品。六典正七品。六掌正八品。女史司文案。

宮正司。宮正一人。正五品。掌糾察宮闈戒令責罰之事。司正二人。正六品。典正二人。正七品。女史四人。執文書。

凡各宮女使皆分隸六尚及宮正。

洪武二十二年。令宮官服勞既多。或五載六載。歸其父母從宜婚嫁。年高者許歸。以終天年。願留者聽其在宮闈。及見授職。家給與祿。視外品。厥後數年一選。選輒三百入宮。民不願者多。聞選鬪髻。即婚娶。遂定例。女入宮。授其父兄以教諭訓導名色。復其家。後止選於京城內外。久之則但由內官進獻。不須選矣。其殉葬者。父兄授千百戶。移陵衛。帶俸予世襲。曰朝天女戶。有宮中保抱東宮者。即位後皆封夫人。如翊聖衛聖奉聖恭聖之類。

明書卷二十二

表一

祖系故王表

史官論曰。帝王之興也。莫不光美所生。蔭及支庶。其關鉅矣。漢不帝劉累。而唐則冒祀玄元。宋無期功。強近之親。而漢則合陽德哀羹。頡之外無聞焉。祖它人之祖。名曰誣。疏祖父之胤。不亦薄乎。明太祖不附名族。祇以己所確知之四世。追尊帝后。卓哉見歟。漢高自太上皇崩。詔郡國立廟。祖則彝置之。藝祖雖追封。億順翼宣。而其一莫考。惟光武以帝胄。譜系分明。立四親廟。祀高祖。春陵節侯。曾祖。鬱林太守。祖。鉅鹿都尉。父。南頓君。皆昭昭可據也。夫祭者。孝子之誠。通於冥漠。主祭之心。夫旣茫然。則神爽不接。強之弗綏矣。明初定從廟祀者十五王。爲太祖之伯及兄與姪。著制九廟。數足則祧。而十五王儼然永享焉。故於武宗時。御史徐文華上言。禮族無後者。祭終兄弟之孫之身。今太廟享配諸王。於太祖。非伯叔卽兄弟。至今已五世六世矣。禮宜祧。下禮官議不從。嗚呼。七世之廟。可以觀德。而明則祀其所知。殺矣。然不誣。四祖旣祧。十五王配享不遷。過矣。然弗薄。雖然。武周達孝。不王公劉。建藩樹屏。姬姓者五十有五。豈盡文子哉。作祖系故王表。

德祖玄皇帝。伯六公。

玄皇后胡氏。生子一。

懿祖恆皇帝。四九公。

恆皇后侯氏。生子一。

熙祖裕皇帝。初一公。

裕皇后王氏。生子三。

壽春王五一公。生子四。

長霍丘王重一公。生子二。

				濟皇后陳氏。	仁祖濟皇帝		
			長 南昌王興隆。			次 子五二公。	
	二 大都督文正。	長 山陽王聖保。	二子生	生子四。	世珍。 三。裕	封。未	四 蒙城王重四公。
靖江王守謙。	一子生	子。無					子。無
詳諸 王表。							

			二 盱眙王興盛。
太祖高皇帝。	三 臨淮王興祖。		一 子生。
四 仁 詳本紀	子 無	招信王旺。	
		子 無	

史官曰。明之先未聞功德巍煥。而祚明運幾三百年。然太祖自述亦祇曰農業忠厚。夫忠厚固足以基鴻業有餘矣。雖然。太祖掃清功烈。巍乎煥乎。有負哉。無前者爾。

表二

同姓諸王表一

史官論曰。人有言。太上以德撫民。其次親親。以相及。然歟。夫典首睦族。經重親親。其說非耶。古天子之子孫。皆使之控撫山河。雄據都會。圭冕號令。下天子一等。雖云寶玉展親。而釋雅人維城之義。亦曰我有數十百。可爲天子者。列寓內。卽不幸而幽厲哀平。或私獎王室。或奮興哲裔。蓋以宗磐社稷。深根固本。而不可拔。帝王未之或改也。明太祖身親百戰。而定天下。其諸子皆龍信虎顧。駿挺人表。於是大啓宗封。錯布四履。經始慮終。防邊爲要。開藩邸。而三垂跨遼襟海。西抵嘉峪。擇九王蒞之。諸王鱗比內郡。各分三護衛。精兵萬五千。牧馬數千。以故城郭富於曹滕。兵車雄於魯衛。莫不傳以元侯。翊以宿將。權崇制命。勢比撫軍。秉鉞麾旄。部兵耀武。肅清沙漠。則壘帳相望。締好宗潢。則輶輪不絕。蓋草昧利于建侯。板蕩維於宗子。衣食縣官。甯有尾大之憂。綴旒下國。必無坑沈之禍。此思王之所以控表。宋侯之所以畫策也。一傳而後。二十三王皆叔父行。以意行國中。豪武尊大。禮樂刑政。皆不自上。裁之則傷恩。縱之則傷法。而復以文弱在上。儒迂在朝。數年間。雉羅龍躍。利害相尋。燕所以因其成資。奮取鼎籙。太祖綢繆固圉之防。乃不幸而用之於骨肉之際。悲夫。靖難後。矯枉鑿覆。勉篤因心。驕恣日萌。視昔不異。而齊谷不悛。終負私貸。乃刻爲

裁抑收厥兵權。護衛之師漸歸君上。迨漢祖前勝。甯乘國瑕。逞其螳斧蛙鼓之微。不旋踵而糜碎。雖順逆之理。亦強弱異耳。夫所謂弱者。藩王雖旒袞高居。不得臣吏民進止機宜一切。不預支吾。無驚擊疆武之夫。百口之命。仰給有司。且天子攬綱結網。彙臬日嚴。一不律則奪祿。再不律則奪左右。三不律則奪爵。賢傳終老於梁園。懿親絕蹤於魏闕。即使力如晉鄭。無假於勤周。頑如吳楚。何緣而抗漢。以故百年無圓土之收。未聞甸師之戮。然而螽斯日繁。其麗不億。盡大司農之賦。不足以養之。浮繫一城。農商莫通。於是裨王不知南面之愉。支子更起齊民之慕。至有共蓬而居。分餅而膳。四旬而未婚。十年而不葬者矣。卽末季設宗學。廣解額。而罔救其窘困焉。所以蚩尤燎焰。束手無資。鴻器淪胥。賒死窮谷。縱江左稍燭乎宵禁。而寶卷之亡。德橫流。獻協之運。歸窮蹙。其臣又不足有爲。徒知羊爛官常。巴饕貨賄。未經星次。倏就滅亡。雖天數之燼竭。抑人謀之弗臧也。諸王宗室。無拳無勇。衆也奚爲。以視所謂深根固本而不可拔者。瞠乎藐矣。要非先王封建之有未盡善也。若人言以德撫民。又可恃耶。悲夫。制親王金冊金寶。王妃金冊無寶。其冕服車旂。得章龍卷。稍亞天子。天子之臣。貴重如太師公侯。不得與抗禮。拜謁曰朝。通事曰啓。凡皇太子之庶子。年十歲封郡王。塗金銀冊銀印。親王適長子。年十歲封王。世子冊印如之。庶子年十歲封郡王。冊印亦如之。王無適子。五十始封庶子。郡王次子授鎮國。次孫輔國。次曾孫奉國。皆將軍。凡三等。次玄孫鎮國。次五世孫輔國。次六世孫奉國。皆中尉。凡三等。親王祿。太祖初五萬石。後定萬石。幣貨稱是。郡王而下減有差。止二百石。皇太子庶子旣封郡王。俟出閣歲。賜如郡王。女俟嫁。歲賜如親王。女已嫁者。凡王子嗣。

郡王者比始封減半祿各王製二十字詩而下一字以木火土金水爲序惟靖江王府不拘登名玉牒世宗初按玉牒親王而下至中尉凡七千七十三位庶人六百二十未封未名者及高牆之庶合二萬一千一百八十八位名歲祿及米七百一十三萬七千六百七十三石有奇國變後玉牒散失不可考又不知增如千矣鎮國而下浩繁不錄錄親王郡王作同姓諸王表

宗系詩

東宮位下 允文遵祖訓。欽武大君勝。順道宜逢吉。師良善用晟。

秦王位下 尙志公誠秉。惟懷敬誼存。輔嗣資廉直。匡時永信惇。

晉王位下 濟美鍾奇表。知新慎敏求。審心咸景慕。述學繼前修。

燕王位下 後爲帝系 高瞻祁見祐。厚載翊常由。慈和怡伯仲。簡靖迪先猷。

周王位下 有子同安睦。勤朝在肅恭。紹倫敷惠潤。昭恪廣登庸。

楚王位下 孟季均榮顯。英華蘊盛容。宏才升博衍。茂士立全功。

齊王位下 賢能長可慶。睿智實堪宗。養性期淵雅。寅思復會通。

魯王位下 肇泰陽當健。觀頤壽以弘。振舉希兼達。康莊遇本甯。

蜀王位下 悅友申賓讓。承宣奉至平。懋進深滋益。端居務穆清。

湘王位下。久鎮開方岳。揚威謹禮儀。剛毅循超卓。權衡素自持。
代王位下。遜仕成聰俊。充廷鼎彝彝。傳貽連秀郁。炳耀壯洪基。
肅王位下。瞻祿貢真弼。縉紳識烈忠。曦暉躋富運。凱諫處恆隆。
遼王位下。貴豪恩寵致。憲術儼尊儒。雲仍祺保合。操翰麗龍輿。
慶王位下。秩邃真台藹。倪伸帥倬奇。适完因巨衍。驚眷發需毘。
甯王位下。磐奠覲宸拱。多謀統議中。總添支庶闊。作哲向親衷。
岷王位下。徽音膺彥譽。定幹企禋雍。崇理原諮訪。寬鎔喜賁從。
谷王位下。賦質僖雄做。叢興闡福昌。篤諧恂懌豫。擴霽昱禎祥。
韓王位下。沖範徵偕旭。融謨朗璟達。亶韶愉顯愷。令緒价蕃維。
濬王位下。佶幼詮助允。恬理效迴理。湜源誣哲暉。圭璧澈澄昂。
安王位下。斐序斌延賞。凝覃濬祉襄。恢嚴顯輯矩。緝密廓程綱。
唐王位下。瓊芝彌宇宙。碩器聿琳琚。啓齡蒙頌體。嘉歷協銘圖。
郢王位下。偉聞參望爽。箴誨泊泉壑。麒麟餘積兆。奎穎擘璿璣。
伊王位下。顯勉謚訐典。褒珂采鳳深。應疇頌胄選。昆玉冠泉金。
以下六十字
原無圖號
茲初斯建節。矧好必貞銓。執準符鈞正。詢攸汝勵虔。

薦諍演還暢先施遂省稽諷權爰造就適藝冀墳笈
 慧堅忻愿確鑒潔綽侏攷習獻增盈謚臨饒軼績攜

靖江王位下。贊左相規約。經邦任履亨。若依純一行。遠得襲芳名。
 福昌忻保定。嘉應必興隆。啓處詢從式。尊聞汝貴中。

以國除祖訓不載。

太子高皇帝子。		秦。	
		國長安。二。高	
永安。	永興。	昭王 乘樓。	愍王 楨。
三。愍 尙燧。	二。愍 尙烈。	子 定王 惟焯。	子 隱王 尙炳。
懷僖王 子	懿簡王 子	無子以 再從姪 嗣。	子
悼順王 志垺。	恭憲王 志堯。	宣王 懷墜。	僖王 志垺。
子	子	子	無子。 以庶 兄嗣。
莊簡王 公鍊。	昭僖王 公鈺。	端王 敬鎔。	懷王 志均。
子	子	子	無子。 以庶 弟嗣。
榮穆王 誠漢。	榮惠王 誠瀾。	敬王 誼。	康王 志壕。
無子。 弟嗣。	無子。 以從 姪嗣。		子
昭和王 誠濠。	莊定王 乘樺。		惠王 公錫。
無子。 弟嗣。	子		子
靖和王 誠澈。	王惟 燿。		安王 誠泳。
子			無子。 以從 姪嗣。

宜川。	安定。		永壽。	興平。	
四。隱	六。愍		五。愍	四。愍	
志堡。莊靖王	尙玠。王	鏞。王敬	尙烜。懷簡王	尙炳。恭靖王	秉棧。恭懿王
子			子	子	子
公琬。榮順王	庶人。除。坐罪爲		志埴。安惠王	志壤。莊惠王	惟燁。鎮國將軍
子			子	子	
誠灌。康僖王			公鋌。康定王	公鑠。安僖王	奉國奉祀。除。以祖昌襲。降
子			子	除。子。無	
秉橘。思裕王			誠淋。莊僖王		
除。嗣。無			子		
			秉樞。恭和王		
			孫		
			懷培。榮靖王		
			薨。子。惟		

	晉。 國太原。三。高				
爵。未嗣封	王敏瀆。 子	鎮安。 二。惠誠泳嗣	汧陽。 五。康端懿王 公鎧。	郃陽。 四。康惠恭王 公鎧。	臨潼。 三。康惠簡王 公銘。
	定王 濟燿。 子	誠王。 子	安裕王 誠冽。 子	溫穆王無子。 誠泓。弟嗣。	信和王 誠順。 子
	憲王 美桂。 子		莊靖王 乘樸。 除。子。無	悼安王 誠滄。 子	乘樓嗣。 秦王。
	莊王子奇源。 鍾鉉。孫表櫟。先薨。			安信王 乘檄。 除。嗣。無	
	端王 知燁。 莊二。 無子。 姪嗣。				
	簡王 新填。 無子。 以從。 姪嗣。				
	靖王 慎鏡。 子				

永和。	甯化。	高平。	慶成。	平陽。	
六。恭	五。恭	四。恭	三。恭	二。恭	
濟煖。	濟煖。	濟煖。	濟炫。	濟煖。	
昭定王	懿簡王	懷簡王	莊惠王	厚長嗣	有罪
子	子	無嗣。	封次九	人降席	
美塢。	美壤。		美塢。		
廢。以罪	曾孫		恭僖王		
子	表棟。		子		
鍾缺。	康和王		鍾鑑。		
子	子		子		
奇清。	爐嗣。		奇演。		
榮懷王	王知		子		
子					
表梯。			表樂。		
子			子		
知煖。			知燻。		
安簡王			安穆王		
子			子		

方山。	西河。	陽曲。	交城。	廣昌。	
五。定	四。定	三。定	二。定	七。恭	
美垣。莊憲王	美培。靖恭王	美堯。榮靖王	美堯。榮順王	濟熳。悼平王	新壇。懿惠王
子	子	子	子	子	子
鍾鏗。昭僖王	鍾鏗。順簡王	鍾鏗。	鍾鏗。莊僖王	美堅。安僖王	鐸嗣。王慎
除。罪以	子	除。罪以	子	除。嗣。無	
	奇溯。恭定王		奇滔。榮惠王		
	子		弟嗣。再從無子。		
	嗣封。表相		表和。王端和		
			封除。以冒		

太谷.	河東.	徐溝.	甯河.	雲邱.	臨泉.
四. 憲	三. 憲	二. 憲	八. 定	七. 定	六. 定
鍾 懷僖王 鉉	昭靖王 鍾 鑑	悼僖王 鍾 鐸	康僖王 美 瑄	簡靖王 美 瑒	莊簡王 美 瑒
除 子.無	子	除.子.無	子	子	子
	榮安王 奇 淮		安憲王 鍾 鑑	端惠王 鍾 鉉	悼昭王 鍾 鑠
	子		子	子	子
	表枋. 早 薨		溫簡王 奇 云	恭僖王 奇 道	榮穆王 奇 溥
	子		子	子	子
	榮懿王 知 焜		榮莊王 表 楠	順榮王 表 樺	表矜 早 薨
	子		子	除.子.無	子
	端穆王 新 墳		王知 辰 嗣		莊靖王 知 焜
	子				除.嗣.無
	王慎 鍵 嗣				

靖安。	安溪。	新化。	襄陰。	河中。	義甯。
四。靖 表。康僖王 杖。	三。靖 表。懷僖王 榭。	二。靖 表。恭裕王 榭。	四。莊 奇。安惠王 櫻。	三。莊 奇。悼懷王 溶。	二。莊 奇。榮康王 漢。
子	除。嗣。無	子	子	子	子
婚。王知 嗣。		知。端和王 燦。	表。宣懿王 鍵。	表。康簡王 植。	表。傳裕王 概。
		子	除。嗣。無	子	子
		封。新填進 晉王。		炬。王知 嗣。	知。端靖王 燦。
					子
					新。康定王 墀。
					子
					鏗。王慎 嗣。

			周。 國開封。五。高		
順陽。	汝南。	陸恭王 禧。	楠。定王	榮澤。	旌德。
三。定	二。定	子	子	六。靖	五。靖
有懷 烜。莊王	有勳。	勳。康王 熈。	有熈。憲王	表。安懿王 機。	表。懷安王 楫。
除。子。無	廢。以罪 除。	子	弟。無子。 嗣。	子	子
		朝。莊王 綱。	有。簡王 熈。	知。端簡王 熈。	知。榮穆王 熈。
		子	子	除。子。無	除。嗣。無
		銓。王在 嗣。	子。靖王 屋。		
		世子	弟。無子。 嗣。		
		蕭濂。	子。懿王 墜。		
			子		
			同。惠王 鏗。		
			子		
			早。安橫。 薨。		
			子		

	汝陽。		永甯。	祥符。	新安。
	七。定		六。定	五。定	四。定
王朝	恭僖王	敏懿王	靖僖王	有燭。	有霖。
有燭。		朝墀。	有光。		
子	子	子	子	王。周嗣	廢。有罪除。
	安憲王	王在	安惠王		
子墜。		鐘嗣。	子揚。		
子			子		
	安和王		莊和王		
同銜。			同鈺。		
子			子		
	康肅王		榮穆王		
安復。			安法。		
子			子		
	宣惠王		恭安王		
睦權。			睦燃。		
子			子		
	榮定王		端順王		
勤爨。			勤燭。		
子			子		

內鄉。	羅山。	封邱。	遂平。	宜陽。	鎮平。
三十定	二十定	一十定	十定	九定	八定
恭莊王 有焮。	悼恭王 有燠。	康懿王 有燠。	悼恭王 有頰。	康懿王 有沸。	恭靖王 有燠。
子	除。子。無	子	子	除。子。無	子
懷靖王 子燧。		溫和王 子燧。	榮靖王 子燧。		榮莊王 子燧。
子		子	子		子
溫穆王 同鋤。		僖順王 同銘。	恭安王 同錐。		端裕王 同鑰。
子		子	子		子
溫定王 安瀟。		端惠王 安鋌。	康穆王 安洛。		昭順王 安淩。
子		子	子		除。子。無
莊順王 睦穢。		肅安王 睦詠。	端靖王 睦燦。		
子		子	子		
王勤 燠嗣。		王勤 燠嗣。	王勤 燠嗣。		

河陰。	鄢陵。	原武。	通許。	固始。	胙城。
五.簡	四.簡	三.簡	二.簡	五.十定	四.十定
子康僖王	子安僖王	子安懿王	子望。	有燧。	有燧。莊簡王
子	子	子	周王。進嗣	除.子.無	子
同鑑。康簡王	同銜。靖簡王	同鑑。康僖王			子榮順王
子	子	子			子
安沚。莊定王	安沚。端僖王	安淇。恭順王			同鑑。昭僖王
子	子	子			子
睦橋。恭肅王	枸嗣。王睦	瀨嗣。王睦			安嗣。宣靖王
子					子
炸嗣。王勤					睦橋。恭懿王
					子
					燧嗣。王勤

汝陰。	義陽。	汝南。	潁川。	泌陽。	項城。
二十簡	一十簡	十簡	九簡	八簡	七簡
子懷懿王 子堽	子康靖王 子堽	子悼和王 子排	子溫僖王 子墟	子悼和王 子堽	子恭和王 子堰
除子無	子	除子無	子	除子無	除子無
	同榮安王 子榮安王		同榮莊王 子榮莊王		
	安恭端王 子安恭端王		安潛早 子安潛早		
	王陸 子諫嗣		王陸 子探嗣		

堵陽。	臨滯。	魯陽。	上洛。	沈邱。	臨汝。
六。懿	五。懿	四。懿	三。懿	二。懿	三十簡
同鈺。安僖王	同鈞。榮惠王	同妮。恭惠王	同綴。莊惠王	同鏡。榮展王	子端。端懿王
子	子	子	子	子	子
先薨。安濟	安沈。端簡王	安永。靖肅王	安讓。榮定王	安涪。靖和王	同銜。恭康王
子	子	子	子	子	子
早薨。陸檀亦	陸繁。莊毅王	早薨。陸祉	陸樹。康裕王	陸榜。榮定王	待嗣。王安
子	子	子	子	子	
焮嗣。王勤	勤煥。端簡王	灰嗣。王勤	誠嗣。王勤	燭嗣。王勤	
	子未名。				

海陽。	崇善。	平樂。	義甯。	新會。	河清。
七。 惠	六。 惠	五。 惠	四。 惠	八。 懿	七。 懿
安隱。 康隱王	安宮。 恭順王	安泛。	安浹。 陸安王	同鏘。 昭穆王	同鏘。 昭和王
子	子	廢。 有罪	子	子	子
陸杲。 端康王	陸榘。 端憲王		陸樺。 榮懿王	安渤。 康惠王	安沉。 王端和
子	子		子	子	弟嗣。 無子。
陸嗣。 王勤	早薨。 勤燧		顧嗣。 王勤	樞嗣。 王睦	安泗。 莊憲王
	子				子
	墉。 王朝				陸棧。 榮僖王
	除。 子。 無				子
					樞嗣。 王勤

魯山。	汾西。	聊城。	博平。	曲江。	定安。
七十 惠	六十 惠	五十 惠	三十 惠	一十 惠	十 惠
安深。 康和王	安澗。 靖安王	安澄。 懷和王	安波。 恭裕王	安溲。 恭和王	安嗣。 懷簡王
子	子	除。子。無	子	子	除。子。無
睦。 榮安王	睦。 端憲王		柯嗣。 王睦	睦。 榮定王	
子	子			子	
勤。 康憲王	勤。 康懿王			燿嗣。 王勤	
除。子。無	子				
	朝。 榮靖王				
	除。子。無				

會稽。 十三。惠二	富陽。 十二。惠二	東會。 十一。惠二	萊陽。 十二。惠	邵陵。 九。十。惠	信陵。 八。十。惠
安濂。康敬王	安濯。安穆王	安瀉。莊僖王	安潘。榮廣王	安邇。恭順王	安淶。懿簡王
子	子	子	子	子	子
陸杉。宣懿王	陸桴。端傳王	陸嗣。王睦	陸桃。端定王	陸嗣。王睦	陸攝。莊安王
子	子		子		子
勤遜。懷簡王	勤焜。廢。有罪		煥嗣。王勤		勤儻。端和王
除。子。無					除。子。無

南陵。	奉新。	益陽。	應城。	麗水。	浦江。
九. 悼 睦榘。	六. 悼 睦榘。	五. 悼 睦榘。	四. 悼 睦榘。	十五. 惠二 安汾。	十四. 惠二 安涇。
莊裕王	榮憲王	康定王	恭穆王	恭順王	懷隱王
除. 子. 無	子	子	子	除. 子. 無	子
	王勤 燦嗣。	勤煜 先堯。	王勤 燦嗣。		安簡王 睦榘。
		子			子
		王朝 壇嗣。			王勤 燦嗣。

商 城。	瑞 金。	湯 谿。	寶 坻。	華 亭。	京 山。
八。恭 勤。榮簡王	七。恭 勤。煥。榮簡王	六。恭 勤。庭。榮惠王	五。恭 炬。王勤	四。恭 勤。煥。榮安王	三。恭 勤。炫。溫惠王
子	子	子		子	子
增嗣。王朝	朝煥。溫靖王 子	型嗣。王朝		垣嗣。王朝	先臺。朝壁 子
	鈞嗣。王在				銖嗣。王在

彰德。	汝甯。	安吉。	修武。	柘城。	臨安。
五.十恭	四.十恭	三.十恭	二.十恭	一.十恭	十.恭
熾.王勤	勤.端恪王 然.子	熾.王勤	勤.康簡王 燠.子	燠.王勤	燒.王勤 天.子.無
	埭.王朝 嗣.		塩.王朝 嗣.		

遂甯。	安昌。	儀封。	保甯。	順慶。
四。莊	三。莊	二。莊	三。康	二。康
鉦。王在	鉶。王在	鑿。王在	朝堵。恭簡王	墟。王朝
			子	
			銀嗣。王在	

